


# سورج خان شہزادہ غلام

صاحبزادہ ریاض رحمانی



پاکستان



جناں ریاض رحمانی دی  
سرائیکی غزلاں نے مینوں بڑا  
لطف دتا۔ غزل فارسی  
اردو دی سوہنی تے من  
موہنی صنف ہے اتے  
سرائیکی جیسی مٹھی بولی وچ  
غزل دی کئی نوں پورا  
کرنا ثواب دا کم اے۔  
ریاض رحمانی ایہہ ثواب کما  
رہے نیں۔ اے واسطے او  
غزل دے نال پیار کرن  
والیاں دے دلی شکرے دے  
مستحق نیں

احمد سلیم تاسمی

# سوچیاں خستہ و لفظ غلاب

شعری مجموعہ



صاحبزادہ ریاض رحمانی

---

سرائیکی ادبی مجلس جٹ بہاول پور

---

# لکھت نا نواں

حضرت نصیر الدین خرم بہاول پوری دے ناں  
 جتہاں حضرت خواجہ غلام فرید سہیں دے بعد  
 سرائیکی شاعری کوں نواں رنگ روپ ڈتے  
 انہاں دی علمی ادبی تے شعری جوڑ پر وخت چکھتے  
 میکوں شعر آکھن دی سُدھ بُدھ ملی ۶۔



ساری عُمر اں جاگدیاں اکھیں  
 ڈیکھدا رہیاں دُھندلے خواب  
 بارغ بہار زبان سراسر یسکی  
 سوچاں خشبو لفظ غلاب

ریاض رحمانی

# تندیر

| نمبر شمار | عنوان                             | صفحہ نمبر |
|-----------|-----------------------------------|-----------|
| ۱         | پرچار                             | ۹         |
| ۲         | ریاضِ رحمانی نویں طرز فکر و اشعار | ۱۱        |
| ۳         | نعت                               | ۱۷        |
| ۴         | نہد می پئی اے یاری                | ۱۹        |
| ۵         | ساقیوں ایلندے لفظاں               | ۲۱        |
| ۶         | اپنے لہو مال روپ                  | ۲۳        |
| ۷         | لجھدا کیوں ہیں                    | ۲۵        |
| ۸         | نکھ کون میں ترس آندا              | ۲۷        |
| ۹         | مکن نہ غم دے                      | ۲۹        |
| ۱۰        | لفطیس دے پھل چن چن                | ۳۱        |
| ۱۱        | جیندا آہونا                       | ۳۳        |
| ۱۲        | باغِ دچ ہر پاسے                   | ۳۵        |
| ۱۳        | اثر الٹا ہے تیدی ہر دوا دا        | ۳۷        |
| ۱۴        | سدھیاں سوچاں ماں دی               | ۳۹        |
| ۱۵        | محنت کنوں کسا نہ پھانے            | ۴۱        |
| ۱۶        | کجھ بیگانہ کجھ آشنا               | ۴۳        |
| ۱۷        | چپکھ لگ نہ بن توں کہیں دا         | ۴۵        |
| ۱۸        | گم ہاں کون ڈہاں                   | ۴۷        |
| ۱۹        | بلبل نہ چھیر دتھے وفادے           | ۴۹        |
| ۲۰        | بخت یاور ہاں کئی یار گادے         | ۵۱        |
| ۲۱        | قول بے اعتبار سبھاں دا            | ۵۳        |
| ۲۲        | بدلیا نصیب وقت دے                 | ۵۵        |
| ۲۳        | سبھاں آٹا آلا رے پتھر             | ۵۷        |
| ۲۴        | ڈیکھ تے سنگریا پنگریا تیکوں       | ۵۹        |
|           | ہر سچ الادوں دا میں مجرم ہاں      | ۶۱        |
|           | تن آجلے من کالے سسے ہن            | ۶۳        |



|     |                                   |    |                             |
|-----|-----------------------------------|----|-----------------------------|
| ۶۵  | موتی گھن تے ڈیسن کج               | ۲۵ | رات دے پاتے اجن             |
| ۶۶  |                                   | ۲۶ |                             |
| ۶۸  | دل کون تینڈا ہرستم                | ۲۷ |                             |
| ۷۰  |                                   | ۲۸ | اٹ جاٹ بٹ تے ملدا ہے        |
| ۷۲  |                                   | ۲۹ | لال نعل سولی دیاں           |
| ۷۴  | ویندیں تاں سنہیر ویسڈا            | ۳۰ | بلدے ہوئے ڈیوے مسے مسے      |
| ۷۶  |                                   | ۳۱ |                             |
| ۷۷  | کوڑ تے سچ رل اج                   | ۳۲ | جیز حاکم منگیں منگ          |
| ۷۹  |                                   | ۳۳ |                             |
| ۸۱  | اتھ آزاوی دے دستور نالے           | ۳۴ | تورے بہوں بھانڈیں نظر کون   |
| ۸۳  |                                   | ۳۵ |                             |
| ۸۵  | زندگی دوہری چال چلدی اے           | ۳۶ | جنہاں شکلاں تے پرے رہ تے    |
| ۸۷  |                                   | ۳۷ |                             |
| ۸۹  | چہرے تے زلفاں کون کھنڈا تے نہ ٹرے | ۳۸ | تینڈیاں نظراں دا یارو       |
| ۹۱  |                                   | ۳۹ |                             |
| ۹۳  | نظر دے تیر جگر تے                 | ۴۰ | جیت دا کوئی شوق نہیں        |
| ۹۵  |                                   | ۴۱ |                             |
| ۹۷  | غم دی چیرھی رات دینج پئی          | ۴۲ | سو نہڑیاں سوچاں نال         |
| ۹۹  |                                   | ۴۳ | پانڈریں دے بلبے طرح         |
| ۱۰۰ |                                   | ۴۴ |                             |
| ۱۰۲ | نہ اچکیساں قدم بھانویں            | ۴۵ | ظالم ابرو تے نمدار          |
| ۱۰۴ |                                   | ۴۶ |                             |
| ۱۰۵ | تورے ہن سنسار تے نظراں            | ۴۷ | اکھیں پرچ آؤویں تاں ہر ویلے |
| ۱۰۶ |                                   | ۴۸ |                             |
| ۱۰۸ | دل تے پیوس نہ ترے                 | ۴۹ | میں آپ اپڑیں جان            |
| ۱۱۰ |                                   | ۵۰ |                             |
| ۱۱۲ | پیار دا دشمن ہے پر ظالم           | ۵۱ | عشق دا پینڈا                |
| ۱۱۳ |                                   | ۵۲ |                             |
| ۱۱۴ | چرچا ہے میڈے قتل دا               | ۵۳ | دل نہ تھی بے قرار آویسی     |
| ۱۱۵ |                                   | ۵۴ |                             |
| ۱۱۶ | یقین ہنس جو مرن دے قریب           | ۵۵ |                             |

|     |    |                            |
|-----|----|----------------------------|
| ۱۱۷ | ۵۶ | انج بے وفاتے کتے           |
| ۱۱۹ | ۵۷ | بیگانے تاں ہن بیگانے       |
| ۱۲۱ | ۵۸ | سینے پرچ اگل زلزلہ کیلنی   |
| ۱۲۳ | ۵۹ | جوسی آہدے حال تہدی         |
| ۱۲۴ | ۶۰ | قرار دے تے نہ ونج بے قرار  |
| ۱۲۵ | ۶۱ | کینویں سجانٹراں شکلاں میں  |
| ۱۲۷ | ۶۲ | ہک ڈکھ ڈیوے بیا پیار کرے   |
| ۱۲۹ | ۶۳ | ڈے تے نگاہ دی بھیک         |
| ۱۳۱ | ۶۴ | عشق دے جھوٹے رنج نم جھوٹے  |
| ۱۳۲ | ۶۵ | ادھک شخص ہر کہیں تے        |
| ۱۳۴ | ۶۶ | تکٹی نظر اکھیں میڈیاں      |
| ۱۳۶ | ۶۷ | میٹ قسمت دے کو جھے اکھر    |
| ۱۳۸ | ۶۸ | رات ڈینہہ جاری ہے خشبو دا  |
| ۱۴۰ | ۶۹ | میں جڈاں سکھ دی راہ        |
| ۱۴۱ | ۷۰ | کرم نہ کیستا تہاں جس       |
| ۱۴۳ | ۷۱ | جیڑھے میڈے روح میڈا جسم    |
| ۱۴۵ | ۷۲ | بے ویداں کس گھون           |
| ۱۴۷ | ۷۳ | ویر کماندیں پیار کسہ یندیں |
| ۱۴۹ | ۷۴ | ہے بیا ہک آدمی ہر آدمی پرچ |
| ۱۵۱ | ۷۵ | بوہا بوہا بھنگدیں          |
| ۱۵۲ | ۷۶ | تیتڈے باجھوں ہے اینویں     |
| ۱۵۴ | ۷۷ | میٹری روندیں عمراں گندری   |
| ۱۵۶ | ۷۸ | نزدیک رہ تے اتنا ہاں       |
| ۱۵۸ | ۷۹ | اتھال ہک ہک شگوفے کون      |
| ۱۶۰ | ۸۰ | جیڑھے ڈینہہ دے تیتڈے ساڈے  |
| ۱۶۱ | ۸۱ | جاندا جیڑھا پاگڑا ڈیسی     |
| ۱۶۲ | ۸۲ | پھل کون تیتڈے جسم دی خشبو  |
| ۱۶۳ | ۸۳ | جسم ہس مر مردے وانگیس      |
| ۱۶۴ | ۸۴ | ہے نیڑے رہ تے دور کوئی     |
|     | ۸۵ | وقت دی دیوار پرچ           |
|     | ۸۶ | زلفاں پرچ پھل نہ ٹنگ       |
|     | ۸۷ | اے دل پرچ اے یاد ہو کہ     |



|     |                            |     |
|-----|----------------------------|-----|
| ۱۶۶ | ظالماں داخلہ سیر توں تاراے | ۸۸  |
| ۱۶۷ | ریاض اس دور وچ جیون توں    | ۸۹  |
| ۱۶۸ | توں کچھ نہ اسال درد دے     | ۹۰  |
| ۱۶۹ | آہری وچ منزل تے            | ۹۱  |
| ۱۷۰ | ستم کر شکوے ستم چٹکے لگدن  | ۹۲  |
| ۱۷۱ | لب تے حقیقتاں دا جے        | ۹۳  |
| ۱۷۲ | کھنڈویں بدل ہن             | ۹۴  |
| ۱۷۳ | کھیاں نال جو میڈیاں تلیاں  | ۹۵  |
| ۱۷۴ | تیتھے غم وچ ذرا کمی کینی   | ۹۶  |
| ۱۷۵ | نازک جسم ملوک جتہاں دے     | ۹۷  |
| ۱۷۶ | دل وچ کجھ سووس             | ۹۸  |
| ۱۷۷ | عادتوں کوڑیاں اس طرح       | ۹۹  |
| ۱۷۸ | اوچپ رہیا مگر اکھیں        | ۱۰۰ |
| ۱۷۹ | کم مٹدے گال تے کان اپٹے    | ۱۰۱ |
| ۱۸۰ | اے دی نہیں تھیندا جو کل    | ۱۰۲ |
| ۱۸۱ | سوچیں نہ پاؤ               | ۱۰۳ |
| ۱۸۲ | دل وچ اٹھیندن درد تیتھے    | ۱۰۴ |
| ۱۸۳ | توں نویں آندا تاں گھر دا   | ۱۰۵ |
| ۱۸۴ | رند سنے باڑے دے ہن         | ۱۰۶ |
| ۱۸۵ | کوڑاے سکوں کر ڈیندے        | ۱۰۷ |
| ۱۸۶ | یار دے دل وچ تیتھی         | ۱۰۸ |
| ۱۸۷ | کجھ درد کنوں لاچار وی ہے   | ۱۰۹ |
| ۱۸۸ | ہک شخص ہوں دور توں         | ۱۱۰ |

## پرچار

میں سرانکی ادبی مجلس بہاولپور دا تھوراٹ بان جیس میڈے پنجہ سالان دے  
سوچ پنہیڑیاں دی کھٹ کمت وچوں تھولی جی پونجی کوں کتاب دا روپ ڈٹنے  
شیں دین محمد شاہ، شیں نصر اللہ خاں ناصر، شیں پروفیسر نواز کاوش، شیں سلیم شہزاد  
شیں رشید احمد قریشی، شیں حفیظ الرحمن دا ایہہ بھلا میگوں کڈا ہن زو سہری،  
سرانکی زبان دا اپنا رسم الخط نہ سوڈن دی پاروں اُردو دے انداز پچ  
اپنیاں غزلاں چھپوان تے مجبور ہاں بلکہ سرانکی دے نو یکلے حرفاں کو دی نشاہر  
نہی کر سنگیا کیوں جو فقطیاں تے داڑیاں دے چچر پچ پوٹاں میگوں پسند  
کائن صرف سرانکی نوں دی پچھاٹ کیتے۔ ”ط“ دا نشان ڈتم جو جان منجاٹ  
کوں جانٹر سجانٹر لکھنا میگوں چچکا نہیں لگدا۔

بنیادی طور تے میں حطیب ہاں تہوں میڈے کلام پچ بیانہ رنگ غالب  
نظر آندے لفظاں دے دل ولاکیاں نال شعر کون بھارت بٹاواں میڈے  
نزدیک مناسب کائن بلکہ میں زبان دی روایت کوں قائم رکھ تے کھلی دلی  
گالھ کہیں داں تال جو کسٹن تے پڑھن والے حضرات دے دل دماغ تے  
سدھ پڑھ جاتاں تھیوے دنیا وچ ہزاراں زبانوں بولیاں ویندن ہر زبان  
وقت دے نال نال اپنے اندر تبدیلیاں گھن آندی ہن مثال دے طور تے  
عربی تے فارسی دیاں درسی کتاباں دی زبان اُج دے عرب تے ایران پچ  
بولی دغخ والی زبانوں کنوں مختلف ہے۔ علم الکلام دا اصول ہے جو



”کلمو الناس علی قلد و عقولهم“ پڑھتے سنٹن والے جیڑھے لہجے کوں سمجھ  
 سنگدے ہودن ہوں لہجے پڑچ گالہ کریجے۔  
 چھیکڑ پڑچ میڈی منت ہے جو سرائیکی دے استاد شعراء و دانشور تے  
 مہاندے تنقید نگار حضرات اس کتاب دے مطالعے دے بعد میگوں اپنے  
 قابل قدر تبھریاں تے مشوریاں مال ضرور سر قرا ز فرمانوٹ۔

یکم جون ۱۹۹۴ء

صاحبزادہ، ریاض رحمانی

نچر پور شریف۔ ضلع بہاولپور

# ریاضِ رحمانی نویں طرزِ فکر و اشاعر

سرائیکی شاعری دے دُور دُستان ہن، حک و پچ لہجہ تے  
گھن گرج کوں بہوں دخل حاصل ہے۔ ڈوجھے دُستان دے تخلیق کار  
لفظاں، فنی باریکیاں تے فکری اساس دے ایریاں تے  
تعمیر کریندن، لفظاں دے زیر و بم نال شاعری کرن دا لے دراصل  
مشاعریاں دی روایت کوں اگوں دودھاوٹن والے شاعر ہن تے انہاں  
سرائیکی شاعری کوں ہک تشخص عطا کیتے پر اُساں ڈھدے ہیں۔ جو  
ایکجی شاعری دی حیاتی گھٹ ہے۔ اگر ایس طبقہ فکر دے تخلیق کار  
ادب و پچ زندہ ہن تاں اوندی وجہ انہاں دا منفرد مشاہدہ تے تجربہ  
ہے جیندی وجہ نال او شعری ادب و پچ اپڑاں اونچ مقام رکھیندن۔  
فنی پختگی، تخیلاتی اپج، خیالات دی ندرت تے نویں ایجنز لفظاں  
وچ پیش کرنا ہک مشکل تے عرق ریزی دا تقاضا کریندے، ادب  
وچ او مے لوگ امر تمیزیندن جنہاں سوچاں دے دھنک رنگے اوئے  
تے اظہار دے اینج رستے اختیار کیتے ہون۔

موضوعات کوں شعر دا قالب عطا کرنا بظاہر تاں سوکھا کم ہے پر  
موضوعات نال انصاف کرنا بہوں مشکل کم ہے۔ سیس ریاضِ رحمانی سرائیکی  
زبان دے ہک جہاندرے شاعر ہن، انہاں دی شاعری پھلاں دے  
اول گلدستے وانگوں ہے جیندا ہر رنگ مختلف جذباتی سطح دی



نما شدگی کریندے تے ہر پھل دی خشبو ہک نویں احساس دا درکھیندی  
 ہے۔ ریاض رحمانی نے شاعری وچ روایت تے جدیدیت دے امتزاج  
 نال ہک ایجھا دگ اختیار کیتے جیندے وچ انہاں دا اسلوب لکھش  
 بن گئے۔ او نویں دور دے تقاضے سامنے رکھ تے وسیب دا منظر نا  
 پیش کریندن۔ انہاں سماجی تے سیاسی اوچ پنچ کون غور نال ڈٹھتے تے  
 وسیب دی اکھوانگوں ہر منظر کو شعر وچ محفوظ کر گھدے۔ شروع  
 جیاتی وچ چونکہ رحمانی سینس شعلہ بیان مقرر، بہترین واعظ تے بلند  
 پایہ خطیب رہے ہن لہذا انہاں کون لفظاں دے صحیح استعمال دا بخوبی  
 علم ہے او لفظاں دی صوتیات، زیر و بم تے جملیاں دی ترتیب نال  
 ہک ایجھا خیال سنڑن والے دے سامنے پیش کریندن جو انہاں دا  
 سحر سرچڑھ تے بولیتدے۔ بہوں گھٹ سرائیکی شاعراں کول اے فنی  
 قدرت ملدی جیندے وچ او لفظاں تے انہاں دے مفہوم کول اس  
 طرح اظہار دا وسیلہ بٹریندن جو ہک ہک لفظ قلب و نظر وچ  
 جا بنا گھندے۔

ریاض رحمانی دا اے شعری مجموعہ موضوعات دی اوچتگی جیندے  
 وچ ہر رنگ نویں احساسات دی ترجمانی کریندے۔ نعت آکھن  
 مشکل کم اے ایں گالہوں جو جڈاں تک شاعر دی دلی وابستگی، اہلہانہ  
 پن تے جذب مستی ذاتی کیفیات کول واضح نہ کرے شعراں وچ  
 مٹھاس پیدا نی تھیندی، سینس ریاض رحمانی نے نعت وچ عقیدت  
 دی انتہائی منزلان کول اظہار دا پھولا پوائے تے انہاں دی نعت دا  
 ہک ہک شعر دلی محبت و عقیدت دا شاہکار دسدے،



۵ لفظ گنڈھ گنڈھ تے ددا سیندا ہاں تہنڈا پیرا ہن  
 کتھ میڈیاں سوچا ندا پیچا کتھ تیبڈا نوری بدن  
 جیاتی دے اوکھے سفر وچ سما جی احساس کوں الاونڈ دا ہنر عطا کرنا  
 ہر کہیں دے وس دی گالھ فی، اساڈے ارد گرد نا اقصافی، نا ہمواری تے  
 بے اصولی دی کھنڈی مٹی پیراں کوں لہو لہو کر ڈیندی ہے۔ پر اسماں لہو رنگ  
 رستیاں تے کھنڈے ہوئے ڈر کوں محسوس تال کر بندے ہیں اوکوں  
 بے نقاب فی کریندے۔ ریاض رحمانی اپڑیں عہد دا او فنکار ہے جیہیں  
 ترقی پسندی دے ادکھے بندھ، کشالے تے کشٹ کٹ تے سرائیکی شاعری  
 وچ نویں مہجر ابھارن۔

۶ چورا ہے وچ سولی تے ایہ لاش خبر مٹی کیندی  
 کمی تھی تے ایں گالھے بریچا، سردار دے نال،  
 غزل لطیف تے نرم و نازک جذبیاں دا بے مثل اظہار ہے ایندے  
 وچ سراپا نگاری، حسن دی تعریف، تے محبوب کوں نویں زاویئے نال  
 پیش کرتے شاعر دراصل اپڑیں جذبے لفظاں نال ایں جوڑ بندے جو  
 شاعری حقیقت دارنگ اختیار کر کے اظہار کوں سوہنا بٹا ڈیندی  
 ہے۔

۷ جسم تیبڈے کوں رنگے رب نے پھل غلاب دی رنگن وچ  
 چوڑویں دے چن و انگیں چہرہ لیکیا ہنس پرکار دے نال  
 خود اعتمادی نے انہاں دے فن کوں اوج دے دور وچ ہک نواں  
 آہنگ عطا کر ڈتے تے اتہاں کوں ایں گالھ دا احساس ہے۔ جو جوڑھا  
 اسلوب انہاں غزل وچ اختیار کیتے او انہاں دی شناخت ہے ویسے



وی اسان ڈھدے ہیں جو سرائیکی غزل نے اپڑیں سفر و چرچ حالی او جانی  
بنائی جیڑھی ہن تک ایندا تفاننا کہ میندی ہے۔ لیکن ریاض رحمانی نے  
غزل دے اسلوب و چرچ فکر و فن دے او ڈیوے بالین جیندی روشنی  
ہمیشہ قائم رہی۔

ۛ اکہ یندا پیا ہاں وقت دے پتھرتے لفظ لفظ  
اندھے وی پڑھ گھنن میڈے اکھر ٹیٹول تے  
ہر شاعر مخصوص استعارے، علامتاں تے تشبیہات ترتیب ڈیندے  
ترکیباں وضع کریندے۔ ریاض رحمانی نے وی کجھ استعارے خاص مفہام  
سامنے رکھ تے پیش کیتن۔  
مثلاً ریت دا استعارہ انہاں دے فکر دی کینوس دی وسعت  
دا خوبصورت اظہار ہے۔

ۛ ریت دی کندھ ہے سجن تیل دی وفا دی امیر  
ڈھاندی دیندی ۛ مگر دل دی اساری ویندوں

ۛ کتھائیں کتھائیں او ویلے کنوں شاکا نظر آندن پر مایوسی کوں  
نال فی آون ڈیندے، بلکہ رجائیت دے نویں کھیلندے نظر آندن۔  
مثلاً

ۛ عشق اوں شخص دا پانی وی مندھائی ہے ریاض  
رٹکی دیندوں تے نتارے وی نتاری ویندوں  
اچ دے دور دا فن کار حقیقت شناس تے سچائی دا علمبردار  
او کتھائیں وی کوڑیا ریاکاری نال سمجھوتہ نہ کریندا بلکہ منافقت دے

پہرے توں نقاب لہاتے سچ کوں ظاہر کر دے بھانویں ایندے واسطے  
ادکوں کتنا زخمی ہی کیوں نہ تھیو ٹاپو دے،

۷ بے غفلو کچھ ہولے بولو شودے میس سستے ہن  
کچی سندروں ناں پٹو قانون دے پہریداراں  
رشتے ناطے حکم کجھی سچائی ہن جنہاں کنوں انکار ممکن کینی۔  
پہر انہاں وچ کھوٹ تے ریاکاری دے زہر گھول ڈتے وچن تاں رشتے  
ایکھے درددا احساس بن ویندن جیندا مداوا کینی۔

۸ وقت ہا جو دوستیں دے یا جھوٹا دل لگدا نہ ہا  
ہن تاں ڈر ویندا ہاں کہیں سنگتی داسا یہ ڈیکھتے

۹ صورتاں عنوان ہن کردار دی تحریر دیاں  
میں دلاندے حال پڑھ گھندا ہاں چہرہ ڈیکھتے  
بے یقینی دے اندھاارے چارے پاسے کھنڈ وچن، تے پیار  
دی کرن۔ دکھ دے بدلاں وچ لک وچن تاں انڈیٹ خوف و لیٹھ گھندن،  
ساہ منجھج ویندن تے حکم حکم پل عذاباں دے ڈکھ، سوچاں  
دے درختاں کوں لوط و انگوں چمپڑ ویندن،

۱۰ چمن دو دھماں تاں ہر مچھل دا ہے جگر زخمی  
ڈہن جے خون دے تریڑے تاں کیا غزل اکھاں  
ریاض رحمانی مصور شاعر حسن، لوطاں دے برش تال اکھیاں  
تصویراں بشریندن جو ایس لگدے جو انہاں دا حکم حک رنگ  
بولیندا کھڑے۔



آہن۔

ریاض ایں دور وچ فن دے تقدس دا ہاں تامل میں  
 کڑا ہیں جھکساں نہ بھانویں سامنے کوئی تاجور ہو دے  
 سرایکی غزل کوں معیار تے فکری اساس نال مالا مال کرن وچ  
 ریاض رحمانی اپڑاں ثنائی فی رکھیندے، انج دے پردہ پیگندے تے لابی  
 دے دور وچ سب کنوں الگ تھلگ تھی۔ کہہ میں فن دی خدمت  
 کوں شعار بناتے کہیں صلے کنوں بے نیاز ریاض رحمانی ایں سانگے غزل  
 وچ زندہ رمسی جواوں سرایکی غزل دی حک زبان ترتیب دتی ہے۔ او  
 مخصوص تے فرسودہ خیالات دی بجائے نویں استعارے ترکیباں تے  
 علامتاں نال اپڑاں رستہ خود بنریندے۔ غزل دے اشعار وچ  
 موضوعات نال انصاف کرنا مشکل کم ہے۔ لیکن ایں مشکل کم کوں سادہ  
 تے پرکشش اسلوب نال انہاں لفظاں تے سوچاں نال ایں طرح سجائے جو  
 حک حک لفظ خشتوبن تے دلاں وچ اثر کریندا محسوس تھیندے۔ اسان  
 انہاں دیاں غزلاں پڑھتے بجا طور تے آکھ سگدے ہیں جو سرایکی غزل  
 کوں ریاض رحمانی نے حک وقارتے نمکنت عطا کر دتی ہے تے ایہا فنی  
 ریاضت لفظاں دا انتخاب، تخلیقی انفرادیت تے زبان دی قدرت  
 انہاں کوں ممتاز کریندی ہے۔

پروفیسر نواز کادش  
 شعبہ اردو گورنمنٹ ایس ای کالج  
 بہاولپور

## نعت

پھل دی رنگت عطر دی خوشبو بہاراں دی چین  
 ڈھلیاں جاں سانچے دیوچ بنیا محسوس دا بدن

لفظ گنڈھ گنڈھ تے وداسیندا ہاں تیرا سپر ہن  
 کتھ سڈیاں سوچاں دا میچا کتھ سڈا نوری بدن

فرش توں گھن عرش تیں سمجھ نور دے چمکار ہن  
 آمنہ دے گھر جڈاں جمیا ہا عبدا اللہ دا چن

اے کلیم اللہ! ایکوں ہمکلامی آکھدن  
 ہم سخن دواں ہن مگر محو سخن ہو دہن



یا رتیدے اپٹیاں اپٹیاں صفتاں وچ بھجمنفرد  
کوئی ہے صادق کوئی ہے عادل کوئی کھی کوئی صفت

توں ہیں میڈا پیار میڈا دین توں ایمان توں،  
میں بُرا ہاں یا بھلا تیڈا ہاں بھانویں من نہ من

بے شعوری دے اندھیر کپچ وڈا رلدے ریاض  
یا رسول اللہ! نور معرفت دی ہک کمرن



نبھدی پئی ۽ یاری اچکل اینویں بے نروار دے نال،  
جینویں بال ایانٹاں کھیڈے ڈوں دھارتی تلوار دے نال

نروداریں دے کوچے وچ ہک بے زرنے دل مار ڈیتے  
ہمٹا اوکے تنیں ٹکراں مارے سونے دی دیوار دے نال

پہلی واری خنجر چاٹس شالا نازک باسٹھ دی خیر  
دل سو وار دعائیں ڈیندے قاتل کول ہر وار دے نال

چو بارے دے ولک وچوں اینویں جھاتی پاتی کر،  
جینویں فحریں پو پھٹی ۽ نت نویں لشکار دے نال

چو بارے وچ سولی تے ایہہ لاش خیر ہی کیندی ۽  
کئی تھی تے ایں گالھے بریچیا ہا سردار دے نال



توں دھلیں تال ککھ گلیاں دے نغے گاؤں لگ پندن  
دل دا واجا وجدے تیدی جھانجھر دے چھنکار دے نال

جسم تڈے کوں رنگے رب نے پھل غلاب دی رنگن پرح  
چوڑیں دے چن وانگیں چہرہ لیکیا ہس پرکار دے نال

فن دی سینا کوں جیس دھن دے راون دے ہتھ وچ ڈتے  
فن واکوٹی وی سوڑا ساں گانہیں اچھے فنکار دے نال

واعظ دی محفل چھوڑو یا روجلوں ریاض دے شجر سنوں  
دل دے مسلے حل نہیں تھیندے واعظ دی کھنڈے نال



سانول الیغری لفظاں دے وچ نِسری جھول تے  
کہ گھنڈاں مٹھا مہنہ میں تہڑے نال بول تے

کے تیں گھٹسی ساہ مٹا اگر س مکان دی  
آسی ہوا دا جھولا کڈا ہیں بول کھول تے

دامن جو میں غریب دے دل دا درازہا  
قدرت تے تہوں دتن مسکوں غم اڑ دے تول تے

برکج رنگا پیار ہے تہڑا ہک چٹ دی مار ہے  
دھمکی کھڑاں میں تہیڈی وفا کول پھچھول تے

اس کیری اچے اجاں وی محبت دی چترنگ ہے  
آکھیں تاں میں دکھانواں تسکوں دل پھر دل تے



اگر نیدا پیاٹاں وقت دے پتھر تے لفظ لفظ  
اندھے دی پڑھ گھنن مڈے اکھر ٹٹول تے

ڈرداں جوشیت میڈا بلارا نہ بہہ سنگے  
ستوینداں حال چن کول فقط ہو مٹھ چول تے

ہاں وقے دار آپدے اُجڑن دا آپ میں،  
لو کو نہ دوس ٹیو مڈے بے دوس ٹیو ہول تے

دیندا ڈمٹھے میر اچوڑ دیں دے چندر کول رہا جس  
دلیر دے سُرخ توں چانٹی دی ویل گھول تے



اپنے لہو نال تہڑا روپ نکھاری دیندوں  
تہڑے رخسار تہڑی سیندھ سنگاری دیندوں

ریت دی کندھ سجھن تہڑی وفا دی امید  
ڈھانڈی دیندی ہو مگر ول دی اساری دیندوں

دور توں کھڑتے تہڑی زلف دے سائے ڈھن  
ہاں کھڑا بلدا ہے پر اکھیں تاں ٹھاری دیندوں

میں کنوں نکھڑوں تاں محسوس کریندوں اینویں  
جینویں کوئی چیز تہڑے کول و ساری دیندوں

سردے بھر اسان آئے ہیں سکوں نیوٹ کیتے  
آنہ آپر تہڑے رستے تاں بولاری دیندوں



جینویں جنویں توں نویں دوست بٹیا ویندیں  
اونویں اونویں نویں دشمن اسان دھاری ویندوں

بھن تے آس نہ ڈکھاو میں سمجھا بیٹھاں  
پے کھیندو جو اسان بار اٹاری ویندوں

لکھاں شبراناں تے عیداں ایندے ناں توں صدقے  
جیڑھی ہک لات تہڑے نال گزاری ویندوں

عشق اوں شخص واپائی وی مندھائی ہے ریاض  
برڑکی ویندوں تے نثارے وی نٹاری ویندوں

کایاں وینیاں سیکھیاں تہاں بھن تے ناں  
ناہیہ وے، اسے ناہیہ وے تہاں بھن تے ناں

تکلیں تہاں بھن تے ناں بھن تے ناں  
ناہیہ وے، تہاں تہاں بھن تے ناں



لجھدا کیوں ہیں نالِ محبت دے سمجھیندے یار میں کوں  
ہوئے بول سیانے آدھن ہوندن کن دوار میں سے کوں

آج ویلے دی واگ جے تیتڑے ہتھ اچ ہے تاں ماٹ نہ کر  
اُتساں وچ میدان دے ڈھاندا ڈھٹھے شاہ مسواریں کوں

یار تال مل پوندا ہے پر کچھ صدمے وی سہنے پوندن  
پھل دی خاطر لہو ندرانہ پیش کریندے خار میں کوں

بے شک نال نہ گھن و بنج پتل چھیکڑ دامہنہ ڈیکھن ٹے  
میں نہیں آدھی لہہ پو اٹھ توں جھل چا ذرا ہاریں کوں

گاجیں کنہن چکچکل رستے روکن یار دے آنون دے  
ساڑ گھتاں ایں سانوٹ کوں بھاہ لاناواں مینگھ ملھاریں کوں



بے عقلو کچھ ہوئے بولو شودے مسیہیں مستے ہن  
کچی نندروں ناں پٹو قانون دے پھرے داریں کول

دل ڈیکھاں کیوں ڈوئل دشمن چاڑھ ڈتے من سبھٹیں دا  
دل ڈیکھاں کیوں بھڑکیاں لگیاں ودیاں ہن سرکاریں کول

نفرت داسم جھول پلیندن ہمدردی دے امرت وچ  
اساں ڈو کیلیں کیا ڈکھ ڈتے رت جانے عنخواریں کول

لہو دے ڈیوے بال تے لوکیں گھر گھر جشن منایا  
جلو ریاض مبارک ڈیووں دستی دے سرداریں کول



سکھتے کون نیں ترس آندا کہیں کون ڈکھا ڈیکھ تے  
کھدا ہسدا رہندے پھل بلبیل کون روند اڈیکھ تے

پاٹا دا ہک گھٹ پوچھے تاں وی مٹھر دیندا ہاں  
تسے دی تر یہ لیہہ نہیں سنگد سی واندھا دریا ڈیکھ تے

میکوں وی اپنی سیہ بختی تے آویندا ہاں پیار  
سوہٹیاں تیڈیاں سیہ زلفیں داسا یہ ڈیکھ تے

وقت ہاجر دوستیں دے باجھ دل لگدا نہ ہا  
ہن ماں ڈر ویندا ہاں کہیں سنگتی داسا یہ ڈیکھ تے

ہٹیاں ماں ایں گھیر پوچ ویرانیاں دا راج ہا  
ہٹیاں اتھ گل پھل پے ترہون تیکوں آ یا ڈیکھ تے



صورتاں عنوان ہن کہ دار دی تحریر دیاں  
میں تاں دل دا حال پڑھ گھنڈا ہاں چہرہ ڈیکھ تے

قید وچ قیدی دے دل تے چھریاں چلیاں رہ گیاں  
پکھیاں کول کھلی ہوا اپ آ پے اڈدا ڈیکھ تے،

رات ڈھل پئی واعظا ہن میکے ویساں نہ روک  
وعظ وی محفل سبحانی کرتوں دی ویلا ڈیکھ تے،

وعدہ کہ تاں کھلے کر گوتے نہ کھا بت بت نہ کر  
دل ہے تلھاں آتاں تیکوں اچا جھکا ڈیکھ تے،

کچھ تاں دس سانول سکوں کینویں ڈتے تیس اپنا روپ  
ہن سٹرا دیدار کر گھنڈا ہاں شیشہ ڈیکھ تے،

جیندے بندے ا پڑے جے حس تھی نہیں سمدے ریاض  
موت دا تھیندے گماں دستی کول سٹتا ڈیکھ تے



ممکن نہ غم دے پندھڑے تاں کیا غزل آکھاں  
لہن نہ دل دے تھکڑے تاں کیا غزل آکھاں

چمن ڈوڈیڈھاں تاں ہر پھل دا ہے جگر زخمی  
ڈہن جے نہون دے تریڑے تاں کیا غزل آکھاں

غماندی لوت و لھڑ گئی سوچا ندے وٹن کون  
ایہہ بندوں کوئی نہ نکھڑے تاں کیا غزل آکھاں

میں کتنے وال پوائی بیٹھاں دل دے شیشے تے  
ملن جے یار اویرے تاں کیا غزل آکھاں

غزال شہر دے لمبیاں چو نگالیاں سکھ گن  
ڈھکن جے اصلوں نہ نیڑے تاں کیا غزل آکھاں



عجب جاتی ہر ساہ ہے موت دی مڈ کی  
جے بُت تے روح دے جھیرے تاں کیا غزل اکھاں

چمن اُیسدا پانی دی بوند کوں سکدے  
او پٹھیاں گا دھیاں گیلے تاں کیا غزل اکھاں

او کول ہوندے تاں دتا غزل الطف ریاض  
وسن جے ڈھول پریرے تاں کیا غزل اکھاں



نہیں دے پھل چن چن تھکداں سوچیں دے گلزار وچوں

وت دی اوترے کھٹ کھٹ پوندن میں سانول دے مار وچوں

مستک تے سوائی دے ٹکے دل دے زخمیم جگر دے چیر  
کننے تمنغے حاصل کیتم ہک ظالم دے پیار وچوں

تیدے آئے کوں وڈا لوکینداں آدھاں بھوم وی نان نکلے،  
خیراں کوں انگ سنگ ملدی ہے جھانجھر دے چھنکار وچوں،

ناں تلھا ناں ستمل سا ناں بیڑی ناں ونجھ ملارج  
اپنی نہت ناں نکلساں ایس خونی مغد ہار وچوں

نہ کرتے دل ہاکر ڈیندے ہاکرتے چا آدھے نہ  
کیا مطلب کوئی کڈھے ایس انکار وچوں اقرار وچوں



دل دے سازوی ہر دھڑکن پچ سانول یار دیکرے ہن  
اوندے پیار دیاں سُراں نکلن ایندے ہک ہک تار وچوں

تیر کمان تے چاڑھ گدھے اچ ہک بیدرد شکاری نے  
جُن اوں کو بچ دی خیر نہ سمجھو بیڑھی نکھڑی ڈار وچوں

مارن والے مر گئے پر منصور تاں اُج تیں زندہ ہے،  
اچ توڑی آواز انا الحق دی آندی ہے دار وچوں



جھڑا آٹوٹا ہا محال آگیا ہے  
مڈے گھر مڈا مہہ جمال آگیا ہے

بڑی سٹ ہے سا نول تڈی بے رخی دی  
مڈے دل دے شیشے تے وال آگیا ہے

میکوں قتل کرتے تھیا ہیں توں رُسوا،  
تڈا ناں مڈے ناں دے نال آگیا ہے

ہے مَجل کھیریاں دی جو جوگی سمجھدن  
اٹھی ہیر تیدّا لوال آگیا ہے

چلایا زمانے جڈاں تیر غم دا  
تصوّر تڈا بن تے ڈحال آگیا ہے



تسدا عشق سائل خطا ہی نظر دی  
مگر دل تے سارا وبال آگیا ہے

مڈے دل دے پکھی دی ارج خیر کاٹنی  
اوول چاکے زلفاں دا جمال آگیا ہے

جے اعلان ٹی وی تے کہیں گمشدہ دا  
سکوں اپنے دل دا خیال آگیا ہے

اما الحق جو آکھیم تاں سولی وی چڑھیاں  
ریاض ابرو دا سوال آگیا ہے



باغ وچ ہر پاسے تیسڑی بزم آرائی لگے  
مجنورا تیسڑے پھل سنوئیں رخ دامن لگے

مہنہ ڈٹا دل دی ماں ہے آخر تعلق دی دلیل  
ہنٹ ماں تیسڑی بے رخی دی دل کوں راس آئی لگے

میں جے من چلے کوں جھوٹیاں پرانی دوستی  
اکھدے ہاں مکوں کجہ کجہ شناسائی لگے !!

روز روز آمتھا لیندے میں سنوئیں دیوانے نال  
میں ماں سودائی ہاں پر واعظ دی سودائی لگے

بے وفا کوں ایسہ دی گھٹ نہیں بیوفاٹیاں دی سزا  
متھے تے پنکھڑے کجہ اکھ دی شرمانی لگے



بے دے فن اچ عجب گولن عام ہمایں دور وچ  
اپنی نادانی دی ہر بندے کوں دامانی لگے،

یار کوں ہر ویلے شیشہ دیکھدا ڈیدھاں ریاض  
بے کوں کیا جانے جڑھا آپ اپناں شیدا لگے



اثر اٹا ہے تیسڑی ہر دوا دا  
طیبا! ڈس سکوں دل دا ارادہ

توڑے ڈنگیاں لکیراں نت مریدیں  
مٹے دل دا سے کاندہ اونویں سادہ

پلک دی نوک دل دے پار مٹی گئی  
نہیں پپلی ہس یا پر قضا دا

مٹا دل کیوں دکھیندیں ڈرخدا توں  
اکھیندن نوک دل ہے گھر خدا دا

مٹے قاتل دا مکٹ کیوں کھلیندو  
متاں وچ ہووے چہرہ آشنا دا

مقدروح ہے ہنٹنہ مات شاید  
مقابل میڈے فرز میں پیادہ

ریاض ایم تان خشبوڈے تے ویساں  
جوئیں جمولا ہاں گلشن وی ہوا دا





سہیا سوچا سوچاں تاں دی پٹھیاں سمجھ تہ سیراں ہن  
ایویں جا پے کئی اُن ڈٹھے خواباں دیاں تعبیراں ہن

محنت نال فرشتیاں جوڑی ہے عملاں دی فرد سڈی  
جتھ جتھ ذکر سبحن دا آندے اُتھ اُتھ سُرخ لکیراں ہن

محفل وچ تڑفٹ ہے خطاں پوڑ نہ نشر پلکاں دے  
نظراں دنی ہن زخمی زخمی دل دی لیر کتیراں ہن،

نہ او دل دی بولی سمجھ نہ نہجواں دے لفظ پڑھے  
بے آوازن ساڈیاں گالھیں پانی دیاں تحریراں ہن

کیڈیاں دھماں نال جنازہ چوند پے ہک عاشق دلا  
گلیاں وچ دی دھردھر کائے نی چھتاں اتے تندیلاں ہن

ذہن دے اندرے شیشے پر کئی عکس نظروں یاداں دے  
 آنکھیں اچھے منظر ہن دھندھلیاں دھندھلیاں تصویراں ہن

لطف جیاتی داجے چاندیں چم ساتی دے پیر ریاض  
 واعظ دے ہتھ پلے سمجھ نہیں بے چسیاں تقریراں ہن



محنت کنوں کُسا نہ بہانے گولیندا رہ  
لکھیا ہے جیڑھا رزق خُدا نے گولیندا رہ

کھنڈر سمجھتے توں مڈے دل توں نہ بھیج پرے  
لبھسن اتھاؤں وفادے خزانے گولیندا رہ

خود کوں بھایا میں تاں و بھایا چسا میں میکوں  
ہن خود میں پیا و بھینداں زمانے گولیندا رہ

پڑھیاں کماٹاں ہوونی کھلے دی نوک مچاک  
نظراں دے تیر مار نشانے گولیندا رہ

زُلفاں دی چھاں ملے تاں مزا آ سنی نندرا  
تبعیر چھوڑ خواب سہانے گولیندا رہ



بہدین حقیقتاں وی فسانیاں دے روپ پرچ  
گولیں حقیقتاں تاں فسانے گولیندا رہ

یاری دے تڑٹے رشتے کوں روندایاں کیوں یاہن  
کیوں آکھیا ماکچے یرانے گولیندا رہ



کچھ بگوانہ کچھ آشنا میڈا  
ماں میڈا پر او نہ ماں میڈا

چن سڈی ہر سزا سر اکھیں تے  
پر کوئی جرم ماں ڈس میڈا

توں جے ڈاڈھا ہیں میں وی نیواں نہیں  
سڈی ساری خدائی خدا میڈا

جھات پاتی جوتیں بنالے توں  
اکھیرا چندر چوڈیں دا میڈا

میں وفادے چراغ بالے ہن  
بزم تہیڈی سو جھلا میڈا

یا مسیحا سدا توٹاں سٹ گت  
یا ونجا درد لا دوامیڈا

لوک انجان ہن ایہہ کیا ڈسن  
میں کنوں آتے پچھ پتہ میڈا

اُج تال ویساں میں کرتے ہک ہڈی  
یا توں غیبراں دا بھینٹن یا میڈا

جھٹاں ڈیدھے ریاض کوں آدھے  
ہن تال سٹ پیچھا اوترا میڈا





بچھلگ نہ بٹن توں کہیں دا نہ بے دی رضا تے ٹر  
آواز سن ضمیر دی دل دی صدا تے ٹر

ڈر دا ہیں کیوں توں ظلم دے بھانجھڑ کوں ڈیکھ تے  
کر پیروی غیسل دی آج بلدی بھاء تے ٹر

ڈیکھن تہڑے دی سبک ہے سڈے وس توں کون  
آ! چوڑے والی بامہ دے لوڈے دکھاتے ٹر

کہیں نال لگ تے ٹرنا ہے تو ہیں مرد دی  
جے مرد ہیں تاں نال زمانے کون لاتے ٹر

آدھے غلاب تیکوں جو ہو ٹھاں دا رنگ ڈے  
نرگس اکھیندی ہے سڈیاں پلکاں تے آٹے ٹر

تیکوں سنبھاٹ گھنڈی "مرحلہ" وچ نظر  
چہرہ لکاتے تہ توڑے ٹوراں وٹاتے تہ

سانول توں پھل ہیں اپنی نزاکت دا رکھ خیال  
خود کوں سنبھال کنڈیاں توں دامن بچاتے تہ

آیا نہ ہا نویں یار تاں ہن جھورے نت تیلے  
ہٹی آجو گیش تاں سارے آلا نبھے لہاتے تہ

جلدی نہ تہ لیہ وصل دی رات آئی "مدہ پھول"  
لیہ رات و ت نہ آوے متاں اہ دھاتے تہ

میں مونہہ جو ڈیکہ گھنساں جھڑھاتیکوں وونے کرے  
کیوں ڈر دیں میڈے ویڑے دے پرچھو جاتے تہ

ڈاتیں دے نال چکری دا حق نہیں فقیر کوں  
گھن گھن ریاض ہو وی ملی کر دعاتے تہ



گناہاں کوں ڈیدھاں ٹوہاں کوں ڈیدھاں!  
میڈے رتبا! تیڈے حساباں کوں ڈیدھاں

تہڈے رخ تے کئی کئی نقاباں کوں ڈیدھاں  
مساں جلوہ نظرے حجاباں کوں ڈیدھاں،

ہیں سنگ ساتھ سارے سٹن تیڈی خاطر  
اجاں آکھدیں میں تمجاں کوں ڈیدھاں

تیڈیاں مست اکھیتیں غلابی کٹورے  
جینویں جام دے وچ شراباں کوں ڈیدھاں

تہڈے چنتے وچ ہن رقیباں دے چنتے،  
میں ناکام ہاں کامیاباں کوں ڈیدھاں



ایہہ رخسار معصوم لہجہ چہرے کتابی  
میں قرآن پڑھاں کتاباں کوں ڈیدھاں

توں آندا نو جیس پر تہڈے معلوے پونڈن  
حقیقت دی خاطر سراہاں کوں ڈیدھاں

نظر نال پچھیں نظر نال ڈستیں،  
میں تہڈے سوالاں جواباں کوں ڈیدھاں

ریاض اکھڑے آج سجن ساڈے ویہڑے  
اکھیندے میں خزانہ خراباں کوں ڈیدھاں،



بُبل نہ چھیڑ نغمے چمن دی فضا کوں ڈیکھ  
 لہو وچ ہے لستھڑی ہوئی۔ ذرا پھل دی قبا کوں ڈیکھ

حالی تاں ابتداء ہے محبت دی۔ دل نہ رو  
 رووٹ کوں عمراں پی ۷۷ اجاں اتہا کوں ڈیکھ

روزی دی فکر عشق دا غم شاعری داروگ  
 مرمرتے جیندے پئے ہیں زلزلے اسا کوں ڈیکھ

بے شک خودی نہ چھوڑ مگر چن خدا نہ بن  
 توں وی بشر ہیں یار بشر دی بقا کوں ڈیکھ

ڈیکھیں! متاں ضمیر تے کجھ بار آ ورنجی ...  
 میڈی وفا کوں ڈیکھ نہ اپنی جفا کوں ڈیکھ

جج دا ثواب چاہیں تاں کر یار دا طواف،  
 رب دی تجلی دیکھیں تاں ونج دلیریا کوں دیکھ

چہنچی بلندیاں تے سر اُسکی غزلی راجن،  
 آفن دے ایں عروج کوں ایں رقعہ کوں دیکھ





بخت یا ورہا تاں کئی یار می دے دعویدار ہن  
 اچ تاں اووی دل ربخیندن جیڑھے کلمہ دلدار ہن

پہلی ازماش دے وچ کھلیا مجرت وافریم  
 ورنہ بے اعتبار تے دل کوں وڈے اعتبار ہن

نہم ڈٹھاتیکوں تاں سوچے ہم تڈے کیا نیں نقش  
 آڈٹھم تاں پست میڈی سوچ دے معیار ہن

میں سنوئیں مدہوش تے ہئی رات ساقی وی نظر  
 میکدے وچ وابجے گئے جیڑھے ذرا ہشمار ہن

خلد وچ آتے ڈٹھو سے نور دے پیکر مگر  
 جیڑھے سوہنے دُنیا وچ ہن حسن دشاہکار ہن

خواب وچ ہک شخص نظر یا جسم ہک چہرے بہوں  
جے نہ کوڑیچھوتاں میں کھل تے ڈساں سرکارہن

ناں پاچیوٹ دا وگر نہ موت ہئی طاری ریاض  
وقت دے مونڈیاں تے ساڈیاں لاشاں دے انبارہن



قول ! بے اعتبار سبجناں دا  
دل ! نہ کر انتظار سبجناں دا

دوستاں نال ویر کٹھاں دے  
دشمنان نال پیار سبجناں دا

دل ! ہٹے نال آکھدیں مویم  
ہے اجاں پہلا وار سبجناں دا

جان ڈے تے میں جی چھڑا بیٹھاں  
لیہہ رمی ما سر تے بار سبجناں دا

کٹتاں اوڈھرمی گالہ ڈس قاصد  
توں جو ہیں راز دار سبجناں دا



رات ہک بیوی جاگدیں گزری  
کیتاوت اعتبار سبجٹاں دا

بے رخی ڈیکھتے نہ موجھا تھی  
بے رخی ہے شمار سبجٹاں دا

دشمنی دشمنیاں دی کبتھ پالاں  
دل دے وچ پلدے پیار سبجٹاں دا

رات کوں وی ہے سوچ سبجٹاں دی  
ڈینہہ کوں وی ہے وچار سبجٹاں دا

دشمنو! کیا کڈھیسو میں وچوں  
میں تاں ماں جانتاں سبجٹاں دا

اُج تہاں ہنخواں دے پانی ٹال ریاض  
دھوسوں دل دا اعتبار سبجٹاں دا



بدیا نصیب وقت دے دھارے دے تال تال  
لڈ گئے زمانے پیار دے پیار دے تال تال ،

دھندھی ہوئی دوار ہاں سانول تڈے بغیر  
گئے مسبھ سہارے تڈے سہارے دے تال تال

کئی لوک ٹھلھدے ٹھلھدے نکل گئیں سیڑھ توں  
کئی گوتے کھاندے پین کنارے دے تال تال

بولیں تاں ڈرداں شالا کمہیں گالھ خیر دی  
ہاں دڑکدا ہے تڈے بلارے دے تال تال

میں رات ساری جاگداں پر میڈے نصیب  
سم دیندے ہن اوں نندر دے پیار دے تال تال

بہنوہاں تیں اپوندا ہے پر یار توں کتھاں،  
ڈیدھا ہاں راتیں خواب بگاڑے دے نال نال

غیرت ہوئی ریا من تاں ڈے سیسہ سیر کوں  
بڈمریا ودا ہی تر داکنارے دے نال نال





سجٹاں آن اُلا رے پتھر  
لگدے پئے ہن پیارے پتھر

پلکاں نال ہٹا گھنساں .. میں ...  
تیسڈے رہ دے سارے پتھر

میں منصور دے یار کوں آکھو  
پھل نہ اُلا رے مارے پتھر  
تیسڈا پیو ماحق ہمسائے  
میدے رہ دے سارے پتھر

ایہم رستے ہن چن دے رستے  
مارن پئے لسکا رے پتھر

میں نے قسمت پر رب لکھن  
وٹے میاں گارے پتھر

شابس مار ریاض کول ویندی  
جتنے لبھنی سارے پتھر



دیکھ تے سنگریا پنکریا تیکوں تھٹی حیران بہار کھڑی ہے  
پھیرویں اکھ ڈھٹی ہس تیڈی تہوں نہ گس بیار کھڑی ہے

زلفاں کھول جو کا سے چاتے غنچے پے پسندن خج شوئیں  
باد صبا وی جھولیاں بھرتے دنڈن کوں تیار کھڑی ہے

ایڈا بد نظراتاں نہیں میں کیوں کہتے فی ایڈے اولے  
پلکاں نال تیں اکھیں کجیاں لٹ ملی رخسار کھڑی ہے

اپنا آپ سناگسناں تاں سانول تے میں ہک تھی لہو  
حالی میڈی میں باقی ہے حالی ہک دیوار کھڑی ہے

دل دریا ہے سمندوں ڈونگھا کہیں دی ایندانت نہ پایا  
علم دی وشتوں گھٹ نہیں کستی عقل وی تر لے مار کھڑی ہے



غم دے پانی جھاگن والو! حالی چھل دا زور نہیں تڑپا  
حالی پار دی من نہیں ڈس دی حالی تیں نیت مار کھڑی ہے

کالے بدل کجے وانگیں کٹن چھٹکن ہنہ دے گھنگھروں  
آونج سانول ساون دی رت کیتی ہار سنگار کھڑی ہے

سنگھی ہس مئے چکھی کائے نس پر و غط دا حشر تاں ڈیکھو  
تسبی دانہ دانہ تھی گئی گردن وچ دستار کھڑی ہے

ظالم سولاں دی سولی تے لاش ریاض دی تنگی بیٹھے  
ترس بھلا کیا آؤس آکھا ہوٹھاں تے مسکار کھڑی ہے



پسح الانون دا میں مجرم ہاں گرفتار کرو  
حاکمو! گل میڈا گھٹو مسکوں سنگسار کرو

وقت دا بڈھا جوا ری متاں پترے بدلے  
کھینڈ دے ہوئے مڈے نیں گھر کوں خبردار کرو

اگلے زخماں دا نہ چنتا کرو وڈے چھٹسن،  
دل ہے حاضر تہاں نظراں دا بیا دار کرو

میں اگر وقت دا سقراط ہاں کیوں پیا جینداں  
زہر جام مڈے واسطے تیار کرو

با جھ لفظاں دے وی بولن دے طریقے ہونداں  
پٹے جذبات دا چپ رہ تے اگلہ تار کرو

ہو کا پھر داؤد سے اچ شہر دی سوار سی آسی  
چند لاشاں سٹو ایس رستے کوں ہموار کرو

ول متاں دھن دی زلیخا گھنے مل یوسف کوں  
وس لگے یار و تاں بند مصر دا بازار کرو

دارتے چڑھتے میں نیما ہاں زیارت لائق  
شہر دے سوٹیو! اچ آو میڈا دیدار کرو

ڈیسو نذرانے عقیدت دے جڈاں مرسی یاض  
حالی جیندا دوسے زح زح تے ایکوں خوار کرو





تین اُجلے من کالے سے رہن،  
قارن بھولے سے رہن،

وسدے رسدے دیڑھے اُجڑے  
عشقا! تیں گھر گالے سے رہن،

کہیں پاسوں کہیں جہات نہ پاتی  
چھتوں ڈھیر بنلے سے رہن

کیڑھا کیڑھا ڈکھڑا سُٹسیں،  
غم دے حال حوالے سے رہن،

ہن نہ ساکوں خُند کاں ڈیلویں،  
آساں یکتے ملالے سے رہن،

اُنٹوں اُنٹوں صلح صفائی  
لابخے وچ دچالے سے ہن

دستی روز لٹندی رہ گئی  
دستی دے رکھوالے سے ہن

یشم جان تے ہتھ نہ پھیریں  
اُجکل ناہگ جتالے سے ہن،

ساکوں موت دا کوئی غم کائے نی  
ساکوں رونوٹ والے سے ہن

دل وچ گھپ اندھیرا رہیا  
یاد دے ڈیوے بالے سے ہن

صرف ریاض دی اکھ نہیں لگدی  
نندراں دے متوالے سے ہن



موتی گھن تے ڈیندن کچ  
 دت سولی دی نکلی کھل  
 اکھیں کولوں دور ہیں توں  
 آج کھ دت کمر ٹھوں ہے،  
 کیڈا چھکدس پیراں وچ  
 بلتی لاتے تہ دیندے  
 سچ کوں کینویں ہضم کرن  
 ڈکھ سٹدیں تاں چپ کر بہ  
 انہاں دیاریاں کولوں پنج،  
 دت کہیں بولیا ہوسی پنج  
 پر گیتس لوں لوں دیوچ رچ  
 دت کینں ڈوتی مار می پچھ  
 احمد پور دا گھسٹہ گچ،  
 پچھوں دیندن بھانہ پچ  
 کوڑ جھٹاں کوں گیا پنج،  
 ٹوک نہ میسکوں مار نہ پنج

جے اندر ہئی سچ زمانہ  
 بے شک باہر دا کھڑا پنج،





رات دے پا سے اجال پرتیوٹن  
ایہہ اندھارے حالی گوڑھے تھیوٹن

دل ! نہ مَس اُوندی مٹھی مسکارتے  
ایہو جٹے حربے تاں کسی ورتیوٹن

حالی تاں غنچے مکولے ہن خزاں،  
ڈیکھو کیا کیا گل اُجال کتریوٹن،

اُوندے ہتھاں کو خدا شاد کھے،  
کتنے دل تر مین بگر مکیوٹن،

میدے لفظ آواز دے محتاج نہیں  
سی گھنے جیس ہو مٹھ میدے سیوٹن

دستے پتھر لے سہی پر ٹردا رہ  
پیر آخر پیر، من تھنیں وٹن،

+

داد فن دی وقت توں گھنساں رہا  
شعر میڈے صدیاں تیں پر کھوٹن



دل کوں تیڈا ہر ستم جا پے کرم تیڈی قسم  
خوشیاں دے بدلے نہ ڈلیساں تیڈا غم تیڈی قسم

آ نہ آ سانا دل بیکانی رکھساں تئدے رستے تے دید  
بھانویں ڈیدھیں ڈیدھیں ویسی رات دھم تیڈی قسم

نخاب تیڈے آتے جگو نیند تاں پونداں جاگ میں  
یاد تیڈی آکھے سم تاں دینداں ستم تیڈی قسم

ایہہ تاں توں میں میڈا مچھتی تے بٹ گیا میں اوپر  
میں تاں اونویں تیڈا ہاں چن جینویں ہم تیڈی قسم

کوئی تاں خوشیاں دی ہوا دا جھولا میں کن بھیج دو  
بھردی اگر کس کنوں اوکھا ہے دم تیڈی قسم



کر نہ کر اعتبارا پٹاں جاٹ یا نہ جاک توں  
تید اٹاں میں تید اٹاں تید تید قسم،

بڈسوں یا ترسوں اُساں - پر تید تید مرضی ڈیکھتے  
غشقی دے دریا دے وچ کیتی ہے گم تید قسم

کڑ گدے ہر پاسوں تیدے پیار دی زنجیر نے  
ویرٹھ گن دل کوں تیدیاں زلفاندے خم تید قسم

ہس قلم ہتھ وچ تاں لکھسی تذکرے تیدے ریاض  
بھانویں سوواری کرے کوئی ہتھ قلم تید قسم،



انجٹا بن تے ملدا ہے ہک شخص جان تے  
مکریا دے سجاٹ توں میکوں سجاٹ تے

کوئی دل متاں اچھا نشانے تے آ ونجے  
چاڑھی دے او تیر نظر داکماں تے

زلفاں دی لٹ کوں مکھڑے توں ول ول ہٹا دتوں  
نانگن ہے ایس تاں کھڈے سونے دی کھاٹ تے،

سکھ ڈے تے ڈکھ وڈیج مگر اپنی اتانہ وپج  
بٹھ پئی بگانی سیجھ توں سم تنگے واٹ تے

چھلوں چڑھن تاں ڈرداں جو سبھ کجھ نہ لڑھ وچم  
نہل تے بنا کھڑا ہاں گریڑا نواٹ تے،

موتی سخن دے گلیاں دے وچ رولی دینداں میں  
آپے ودے گلیسو تساں مٹیاں چھاٹتے،

عشق وچ سبھو الوہا تلوا کھڑاں کٹا  
بئی کیا اچھاڑیواں میں دل دی مکان تے

نتران مہتی تے پاندھیا کیوں پیا ہیں رہ دے وچ  
منزل کھڑی ہے سہن تہڑے پھیکڑ دے بان تے

کیوں اوجھو بان کرڈتی اپنے ریاض کوں،  
ایہہ کیڈا خوش ودا ماتیدے غم دے مان تے





لال پھل سولی دیاں ٹنگلاں کوں مہکاوٹ لگے  
ڈیکھاں وت منصور دے کنیں کن سلام آوٹ لگے

سنیاں زلفاں کوں کھنڈا چھنڈ مارتے چھنڈکاں اڈا  
وٹ جھڑوں کنیں و سا بن موسموں ساوٹ لگے

اوکوں کہیں سچی نہ آکھی اوندا ہتھ پکڑیا نہ کہیں  
لوک اٹھا گھر کیاں ڈے تے میکوں جھٹلاوٹ لگے

شیت کہیں واعظ کنوں سکھیا ہسی۔ بولن دا فن  
اونویں من گندا ہاں میں او جینویں منواوٹ لگے

میٹے دل وچ بالے ہن امید دے ڈیوے جنھاں  
بے وفائی دے جھلے ڈے تے آپ دسماوٹ لگے

ساڈیاں گھالیں تے نہ بھڑکجوں کوڑی بھوٹساں  
 یس دے تاں جو بن دگڑی نہر من آساں سٹھاوٹ لگے

رات جو کہیں گالھ تے سانول دی کھل نکلی ریاض،  
 چند رہتی تھی گیا تارے دی شرمادھ لگے



دیندیں تاں سینہ پڑو سدا آؤں فرج جلدی  
کئی غیر خیر خبر دھول دی سنو اکھوں لدی

دیداں اُتھاں دتے زلیاں جھٹاں فداں نہ رلدی  
ستھی کوں محبت نہ پہلی خان پُسل دی

تلیا کھڑے آج سارا ویسب اوندی وٹب تے  
کہیں شخص دی آج گالہ نہ کہیتی سدا ول دی

گھر کناں دے بجلی دے عمل نال ہتھین دن  
کئی شودیاں دے، چلتے کڈیں بھاوی نہیں بلدی

میں پھل سنوین رخسار کوں پھل کینوین لکھاں  
ایہہ رنگ ایہہ اسلوب روایت ہے غزل دی



اُج آجھ میں ایں اچ کوں تڈے نال سنگارلن  
 کلہ تھنسی تال کلہ نال نہر سی دی کلہ دی

بھٹا تڈے تھہ پڑے مڈے پس دی مری  
 صامن ہے مڈے رزق دی تھی تڈے ہل دی



بلدے ہوئے ڈلوئے مسے مسے ہن  
شہر سو جھل ہے پر اندھیرے ہن

حالی منزل دی پچھ وی نہیں پوندی  
قافلے والے کینویں بیٹھے ہن

رشتیاں وچ او پک پکا نہ رہا  
اج دے ناٹے تاں کچے دھاگے ہن

نت تیدے گھر دے باہر وں کیوں بھونڈا  
بڈی وستی دے لوک پچھدے ہن

بھردی رات کیڈی سو جھل ہے  
تیدیاں یاواں دچندرا بھرے ہن

کوڑتے پر دی آج پہچان نہ رہی  
کوڑے سچے تے سچے کوڑے ہن

کتنے یعقوب روئے ہن گھر پر  
کتنے یوسف بھرانواں ویکھے ہن

لفظ پھل بن تے مہنہ وچوں نکلے  
غنچے چکن کہ آپ بولے ہن

بھاتاں لاؤ ایہے واندھے دریا کول  
کدھی تے رہن والے تسے ہن

آج تاں دھپ پرچ وچھا دی ٹھاڈ ملے  
شیت دلبرنے وال کھولے ہن

بُت کول جھولا ہوا دا نہیں لگدا  
پر درختاں دے پتر ملے ہن



میکوں ایڈا دی بنے خبر نہ سمجھ  
جاڈاں جو تہڑے ارادے ہن

بت کدہ کعبہ بھانویں میخانہ  
سارے دلبر دے گھر دے رستے ہن

ہوٹھ پھرن نہ کوئی آلا نکلے  
ڈیکھاں کیں چپ دے جندرمارے ہن

لفظ ماریں کڈیں نہیں مردے ریاض  
کلمہ دی جندے ہن اوج دی جندے ہن



بیڑھا کچھ منگیں منگ خد اڈیندے  
غیر دے پلے کیا ہے کیا ڈیندے

اپنے پیراں دے زور تے اٹھی  
کوٹا اتھا کہیں کوں آسرا ڈیندے

حسن کوئی قول نہیں نبھاسنگدا،  
عشق ہر فرض کمرہ ادا ڈیندے

او۔ وی ہک بیوفا کوں دل ڈتے  
ہن مسدے ڈیوٹے ودا ڈیندے

سمجھیا ہس کھڈا وٹناں دل کوں  
گھندے بمعن تر وڑتے ولا ڈیندے

شالا جیندا رہیں جو تیرا غم  
میکوں جیون دا حوصلہ ڈیندے

خلف رنداں دے جائڈے ساقی  
جتنی سنگدے کوئی پچا - ڈیندے

میکوں محتاج کہیں دا بس کیسا  
درد ڈیندے تال لا دوا ڈیندے

پہنچا کہیں رات وی نہ وعدے  
شام آ دے مگر دھما ڈیندے

کندھ لگن وی بڈ مرٹ ہے ریاض  
نت سہا پے جو ناخدا ڈیندے





ارتمہ آزادی دے مہم نرالے ہن  
کناں وچ پھنچے ہوٹھاں تے تالے ہن

دل دی وادی تے صدیاں دی بارش  
اکیتس ہن کہ ڈوں برساتی نالے ہن

او بختا ور ایڈا دل دا گنڈرا نہیں  
ایہے چینین جیڑھے لوک چالے ہن

پندھار اٹنگ تے منزل دور دراڈی ہے  
ہوٹھاں تے رویاں پیراں تے چالے ہن

دل وچ مایوسی دا گھپ اندھیرا  
توں جینویں تیں آس کے دیوے بے ہن

ملکن تے میں ڈھاندا مٹھے واعظ کوں  
میخانے دے چھوڑھاں جام اگھالے ہن

بکھرے رنگت کچھ خوشبو گھن تے پھلاں دی  
رب نے مجھواں دے پیکر ڈھالے ہن

اندروں اندر گھجیاں ماراؤ دیندا ہے  
اتوں اتوں لاش پش تے گڑ مالے ہن

کلمہ تیں جیڑھے لائق نہ ہن ڈیکھن دے  
اوجھرے تاں اُج کل ڈیکھن ڈالے ہن

ڈینہہ لہندے پیا شردین ظالم ڈیکھتاں سئی  
لگڑے جمدے ہن کینڈے پالے ہن

آپے دیراں کرتے آئیں ہن نہ رو  
میں تاں آندے سادہ تیں رستے مہالے ہن

توں منگدوں تاں جان ریاض دی حاضر ہئی  
تیں سانول کیوں لہو پُچ ہمتھ پے گالے ہن



توڑے بہوں بھاندن نظر کوں چند زنا رات دے  
کون نندراں گالتے ڈیکھے نظارے رات دے

ستسی اٹھوالیس دے بچوں بچ نہ پئے گئی لمبی وتھ  
کھتاں کھڑون ڈینہہ کوں جنھاں اٹھ قطارے رات دے

زنگ ہے کجلے دا پھکا اکھیں ابھروٹیاں لگن  
توں تاں چپ میں پرہ الیندے پن جگارے رات دے

ویندا آندا کہیں نہ ڈٹھا میکدے وچ شیخ کوں  
کیڈے پردے پوش ہوندر ہن اندھارے رات دے

ڈینہہ تاں جینویں تینویں نہج ویندے وچھوڑ دا مگر  
درد سہ سنگد نہیں درواں دے مارے رات دے



لوک نہت نندراں منندن سکھ و سی چادر تان تے  
میں جے سمدان تان کھیندے ہاں اتھار رات دے

چھتے ڈینہہ کوں اکھڑیں و من مفت دا تھوڑا نالا  
ایں تان نہیں لاندھے سمیٹ وار اُدھار رات دے

قاصدا ہکوار سی و من کوڑے کوں کوڑا کیتی آ  
اکھیں تیڈی تانگہ وچ بیٹھے ہیں پیار رات دے

رات تھیندی ہے تان کھلن چھڑیاں دے پر ریا سن،  
ڈینہہ داندھے پکھیاں کوں بھاندن اڈارے رات دے

x

○  
زندگی دُہری چال چلدی ؎  
کہیں دی کھل کہیں دی دھان بکدے

دم قدم تے ہاں ہٹتاں دیر نہ کر  
جلدی جلدی آ جو جلدی ؎

جھٹ پھول سمجھ اُبھر دے سولوں دا  
جے کڈیں غم دی رات جلدی ؎

توں جے نہیں ہیں تاں دت دی ہے چانٹ  
تیسڈے غم دی مثال بلدی ؎

آندی باقی تاں دیر کیتی مہی  
دیندی باقی تاں ڈاڈھی جلدی ؎

نبض موقع پرست لوکاں دی،  
دقت دے نال نال چلدی

دل دا دل نال پچھے تھیندے ملاپ  
پہلے اکھ اکھ دے نال گرلدی

ساڑیا عشق نے پتنگے کوں،  
شمع کیوں ساری رات جلدی

سنیا ہے شاعریں دی محفل وچ،  
مہم ریاض اُج تہڈی غزل دی





جنہاں شکلاں تے پرے رہتے میں ریجھا رہ گیاں،  
کولوں ڈیکھن دی کسر ہئی ہٹکا بٹکا رہ گیاں،

رنگ سوہنے ڈیکھ تے چٹدا رہیاں کاغذ دے پھل  
اکھتیں دلچیاں رہ گیاں خوشبو کون بسکدا رہ گیاں،

خواہشاں دے باغ نے پیراں کون زخمی کمر ڈتے  
پھل گلیندا رہ گیاں کنڈیاں تے ٹردا رہ گیاں

کہیں مسڈی بولی نہ سمجھی کہیں نہ الوایا مسکوں  
میں بھری دستی دے پرح کلھے دا کلھتا رہ گیاں

بے مروت ہیں نہ پاتی جھات تیں دلیک وچوں  
میں تاں تیڈے درتے دیاں لاتے بیٹھا رہ گیاں

زندگی میڈی دا یارو پاجسی مل میڈے موسی  
حالی تار جیوٹن دی خاطر روز مردا رہ گیاں

میل دے پتھر طحاں لفظاں دا پھولا پاتے میں  
پاندھیاں کول منزلای دے پنڈھ ڈسیندا رہ گیاں

توں نوہیں آیا تاں چن بکھ پی بے بھٹی رات دی  
تاریاں دے سیکھتے ستر دا پھلدا رہ گیاں

او دی ویلا ہا جو ہا بھر پور میڈا روپ رنگ  
ایہہ دی ویلا ہے جو ہن اپناں جتازہ رہ گیاں،

حشر وچ پلڑا مسڈا بالار یہا ہر شخص توں  
ہم عمل بھانویں بُرے پر سبھ توں چنگا رہ گیاں

بھانویں بے قدری دے ہن گڑھے اندھا پر ریاض  
نت نویاں سوچاں دا سمجھ بٹتے ابھردا رہ گیاں



چہرے زلفاں کوں کھنڈاتے نہ ٹرے  
رات ڈیتہ کوں رلا ملاتے نہ ٹرے

بندہ بٹ چھوڑ اچیاں پروازاں  
دھرتی تے پیر رکھ ہواتے نہ ٹرے

کتنے دل لوڈاں وات آویندن  
کیوں نہ ٹرے۔ پیراں بانہ کڈاتے نہ ٹرے

رکھ قدم سینہ تن تے مقتل وچ  
بند دلاں وانگ ہاں ہاتے نہ ٹرے

ایں قدم رکھ جو منزل کن برض  
عشق دے راہ تے پنک پکاتے نہ ٹرے



پر دے دے دی توں لک نویں سنگدا  
 توں سجا پوہیں ہنہ لکاتے نہ ٹر

زندگی اچھے سہر داں ہے ریاض  
 لیہہ ونجے بھانویں پر نواتے نہ ٹر



سڈیاں نظراں دا جادو چلدا ویندے  
جو دُن کایوں مسڈا ہاں ڈلدا ویندے

اندھیریاں دے سفر لہ نوویں کٹیندن  
ٹنڈا ٹنڈا ڈیوا بٹن تے بلدا ویندے

محبت وچ میں جتنا اگھاں ٹرداں  
او اتنا پچھلے پیریں ولدا ویندے

دُعاؤں دے دا چیتا تاں آکھن  
تسڈا تاں شیت چیتا زلدا ویندے

جے آندیں آنتاں ول کیا کر لیاں  
سڈیاں اکھن دا بولدا ویندے

چلو ہن سیک دھپ دا کچھ تاں گھسی  
جو سمجھ کھسکیا پچھانواں ڈھلدا ویندے

ریاض ایہہ ساڈی محنت دا ثمر ہے  
غزل دا بوٹا پھلدا پھلدا ویندے



گھنڈ کھول بھانویں دل دیاں گھنڈیاں نہ کھول تُوں  
چن جھنہ دی سبک لہا توڑے مونہوں نہ بول تُوں

گھن آ یا بیڈے واسطے سوغات، سنجھات دی  
دامن دے وچ سنبھال ایہہ موتی نہ رول تُوں

بھانویں زمانہ مُول نہ رکھے مٹا بھرم،  
جھج ویاہاں میں تیرا ہاں بھٹتیں نہ بھول تُوں

لہجہ تے میگوں زمانیاں ہمتھوں کھڑیں وینا  
ہنٹ میں نہ تیکوں لبھساں ودا میگوں گول تُوں

میڈی وفادے رنگ دی لہسی نہ شرم کڈا ہیں  
سو داری آ زما جسکوں بے شرم چھپھولی تُوں

جھڑے دے وچ سجا مٹے دل داتوں پھل غلاب  
اینویں نہ ایکوں ہتھال دے وچ مندھ مکول تُوں

منظر حقیقتاں دے نظر سن تسکوں رہا من  
باہر نکل تے ڈیکھ تصور دے خول تُوں





نظر دے تیر جگر تے بھلیندے رہ ویندن  
ایہہ خون پیوئے نت خون پیندے رہ ویندن

سناہاں واعظا کجھ حسن عشق دیاں گالھیں  
گنہہ ثواب دے مسلے ماں تھیندے رہ ویندن

میں آفواں یار دی بزم چچ ماں میڈے شو دے رقیب  
کیریاں کھاندے وڈھیندے کپیندے رہ ویندن

قلم کوں آبجیات چچ بوڑینداں تاں لکھداں،  
جو صدیاں توڑی ایہہ اکھر پڑھیندے رہ ویندن

اساں تاں سچ وی الیندوں تاں ول وی ہیں کوڑے  
او کوڑے تھی تے دی سچے سڈیندے رہ ویندن

ہے ہنجوں کوئی وِجَن لہو داتیل حاضر کر  
سجُن دیاں یاداں دے ڈلوے بلیندے رہ ویندن

خُدا تاں نِزہ مگر ایہہ بُت خُدا دے وِنگیں ریاض  
اَساں تِجاریاں کنوں بُت پُچھیندے رہ ویندن



جیت دا کوئی شوق نہیں، ارمان نہیں ہے ہمارا  
دل اکھیندے کھیڈی رکھتاں بھواتی سڈے پیار دا

پھل کوں سڈا ڈیکھ تے پھل دی طرحاں ترڈا ہے دل،  
یاد آویندے مسکوں منظر تہی مسکار دا

سیڈے آئیں اکھیتے تے چن بنجواں دے پروکے تیج  
رہ گیا ارمان مل تے دی تہی سڈے دیدار دا

لب جھتاں کچھ نہیں لیندے کن جھتاں کچھ سڈے نہیں  
اُتھ زبان اکھ دی ذریعہ بندی عاظہار دا

جھکے جھکے ہتھکاں دی زردوچ ہن اچے اچے سر  
زب نے چاہیا تاں نہ بچسی طہرہ کہیں دستار دا



وصل دی خواہش تے اوں ہوں کرتے اوند اچکٹاں  
 ؤے گیا دل کوں مزا انکار وچ افسار دا،

بھیس دے پیکر دی نزاکت ہے میڈ فن پچ ریاض  
 شعر ہے موزوں سڈا جینویں سراپا یار دا



غم دی چڑھی رات ورنج پئی سال تے  
بیٹھے ہیں آساں دے ڈیوے بال تے

وہ

کھتوں شودیاں نینگریں پیلھوں چٹسن  
لکھ نے ہک دانہ نہیں رکھا بجال تے

تھی گیاں خالی کھاناں وقت دیاں  
جھل گدہ سبھ تیسر دل دی ڈھال تے

اپناں ہووے تاں سنبھالاں دل کوں میں  
دس نمہی چلدا بگمانے مال تے

سوئیاں پچھاں کتیں ویلا ولدا نہیں  
گھڑیاں نے چلنا ہے اپنی چال تے

خوش ہاں جینویں تختے بیٹھا ہاں میں  
ٹیک لائی بیٹھاں تہڑی دَرسال تے

کھیر دیاں نہراں نہ ہن قسمت دیوچ  
تھک گیاں ویلے دے پتھر ڈال تے

سوہٹیاں استھی سانویں بازی پیار دی  
نہیں ریہا پائماں تہڑا ہینوال تے

وت نہ پھپھڑی رڑھ اُمیداں دی ریاض  
تھک گیاں ہنجواں دی گادھی گھال تے





سوہنیاں سوچاں نال اپنے شعر سنگر بندے جُلوں  
شاعری زیور ہے ایں زیور کون ٹھکیندے جُلوں

وت نہ جُسی کوئی آساں وانگیں دوانہ شہر وچ  
شہر دے انجان دانا نویں کون جنویندے جُلوں

کوئی پندھیر تو تھکیا ہٹیا شیت ہووے گھل دیوچ  
قافلے والو ذرا اچھکو صد اڈیت دے جُلوں

نویاں نسلان ساڈیاں سوچاں دے حوالے ڈیوٹن،  
ایشیاں گالھیں وقت دے پتھر تے اکریندے جُلوں

لوک! بہت سمجھن اتھوں خوشبوئیں دے لتکھ گن قافلے  
پھلاں وانگیں زندگی دے رستے جھکیندے جُلوں

سکّاں دا گانا بدھوں آساں دے گھارے چارھتے  
ے توں دل وی ویل ہکریں دے جُلوں  
بیڑھا منکر ہے سرائیکی وچ غنزل دا ریاض  
اول کنوں اپنی غنزل دالوہا منویندے جُلوں



پائی دے بلبے طرحاں فانی شباب ہا  
جاپے جینویں خیال ہا لہٹے دا خواب ہا

نظری نہ کہیں نظر کوں نظیر اوندے حسن دی  
اولا جواب شخص خود اپشاں جواب ہا

ڈینداں ریہاں ضمیر کوں عملاں دانت حساب  
ہر ڈینہہ سڈی حیاتی یوم الحساب ہا

ڈمٹ جو اوندہ جلوہ نمازاں رہیاں نہ یاد  
کوئی اہنجہاں اول شخص داکا فر شباب ہا

کاغذ سمجھ تے دل دے تیں کئی پرز کمر دین  
پہن تے ماں تیڈی ساڈی وفادا حساب ہا

اہاد تھی تے خوش ہے خرابات وچ ریاض  
جے تیش پرہیزگار ہا خانہ خراب ہا



درد ہمدرد ڈتن درد و تداوے کیڑھا  
زہر ڈیوے جے مسیحا ناں پچا د کیڑھا

اُج نہ منصور نہ کہیں پاسوں نا الحق دی صدا  
دار موجود ہے پر دار سہا وے کیڑھا

پئے و بنجے کانڈ جے انصا دی تر کڑی دیوچ  
کرتے پسج کوڑ دا نہ دار دسا و کیڑھا

اندھا پاندھی ناں کھڑاں اندھیاں دی وستی دیوچ  
کون پھد مٹا ہتھ راہ مسکوں لاو کیڑھا

قیس جو مویا ناں جھگل نے مکاٹاں جھلیاں  
ما جھ دیوانے دے شیخ برکوں دسا و کیڑھا

پیت پالے نہ اوپر تیت رکھے کھندی یاہن  
ادں پکتے پچھوں پت اپنی دجاوے کیڑھا



○  
 نہا جھکیساں قدم بھانویں جو رستہ پر خطر ہووے  
 جیانی دے سفروچ پار جیکر سفر ہووے

مرٹن حق پر ابھی موت کوں لوندا وداں سانول،  
 تہڈے گوڈے تے سہر ہووے تہڈے رخ تے نظر ہووے

اُرے آہنیکوں دل دے حون دی سوغات دیواں میں  
 تہڈے ہوٹھاں دی سرخی کوں متاں زندگی کسر ہووے

ہے دریا عشق دا ڈونگھا جے ٹھہر میں شرط پوری کر  
 جڈاں توں پار وچ پہنچیں تہڈا دامن نہ تہر ہووے

ایں گئے گزرے زمانے وچ انا پوئجی ہے شاعر دی  
 ایہا پوئجی بچے ! بھانویں نہ پلے مال زر ہووے

مٹا ایمان کامل ہے مکوں مُشرک نہ سڈ دا غلط  
مٹا کعبہ ہے ہوں پاسے جڈے دبیر دا گھر ہووے

سُٹھپ سوغات ہئی رب دی نہ ڈے جھنکاں فیراں کوں  
جھنڈن لوک ہوں ون کوں بوڑھے ون تے مٹر ہووے

ریاض ایں دور وچ فن دے تقدس دا ہاں قائل ہوں  
کڈا ہوں جھکساں نہ ! بھانویں سامنے کوئی تاج ور ہووے



ظالم ابرو تڑے خمدار خُدا خیر کرے  
نال تلوار دے تلوار خُدا خیر کرے

نفسا نفسی ہے اتھاں دُنیا بنی ہے محشر  
پیو کنوں پتر ہے بیزار خُدا خیر کرے

آیاں بن چڑھ تے چو انھ پاسوں غامزیاں چلّوں  
دل ہے ڈھاندی ہوئی دیوار خُدا خیر کرے

مالجیا! پھلاں دے دامن توں اوہل نہ کریں  
گوندھاں گتی کھڑے بن خا خُدا خیر کرے

انج نہ سُرخ ہے نہ رستی نہ کجل دیاں دھاراں  
ایہہ وی کوئی علیہ ہے سرکار بہ خُدا خیر کرے

جیکوں لبھ لبھ تے ستارے شودے اُختے مہتی گن  
ہے ریاض آوند اطلبہ کار خُدا خیر کرے





توڑے ہن سنسار تے نظراں  
اُنکیاں دنج دلدار تے نظراں

ساحل دالو الشد الشد  
لگیاں ہن منجہا رتے نظراں

آپ مُبارک ڈیون آ نویں  
جئیں ویلے میں وار تے نظراں

ملداں تیکوں گھول تے جندری  
ڈیدھاں تیکوں وار تے نظراں

میڈیاں نظراں تیدے پاسے  
تیدیاں ہن چودھار تے نظراں

محفل وچوں ریاض کوں کڈھو  
لائی بیٹھے سرکار تے نظراں

○  
اکھیں وچ اونویں تاں مرویلے ہے صورت یار دی  
سامنے آوے تاں چہرے تے نظر نہیں تھار دی

آپے آپے تار جڑ دن دل دے تڑے ساز دے  
جے صدا آوے تہی ر محبول دے چھنکار دی

غم دہی چھی وچ سبجاتے ڈیندا ہے خوشیاں دے پھل  
پاس وعدے والی عادت دی نش انکار دی

وقت ری بنگر دامنہ اینویں کماٹاں بچا پدے  
جینویں پرینجن کنوں بے آس دمی نادار دی

مستور تیکوں نک نقشہ ڈسانواں یار دا  
دل بٹا تصویر دھم چھی تہڑے شہکار دی

وٹ کے مٹھیاں بیٹھے ہن میڈی سراندی گھر دے لوک  
آ! جوہن اکھ تار بدھ گئی ہے تہڑے بیمار دی

بیاں پلکاں وچ جگر دے تیر بن تے کھنہ گیاں  
دل کوں برے کر گئی اکھ چیر دیں دلدار دی

دیکھاں یار ووت کوئی مجنوں اتھاں آیا ووت  
تھی ہے اچ ووت لال بو تھی دشت ہر خاردی

ایڈی کالی رات ہے جو ہتھ کوں ہتھ سمجھ انہیں  
دل دا ڈیوا بال ڈے کراچی کو زخسار دی

شعراں دی سوغات گھن آئے تیکھ کیتے اچ ریاض  
جائیں توں ایہا کجھ اوقات ہے فن کار دی





دل تے پیس نہ تہیں منڈی التجا دے نال  
دامن چھڑا تے گیا ظالم ادا دے نال

ترژدن ہزاراں پھل مٹے دل وچ امید دے  
آوے جے تیڈی زلف دی خوشبو سوا دے نال

ایہہ میڈا وعدہ ! لت نہ رکھیاں بہشت وچ  
ہوسی نہ تیڈی جا جے آسقاں میڈی جادے نال

ہر گالھ وچ پلال ہے ہر چال وچ فریب  
یاری دا کیا سواد ہے تیں بے سوا دے نال

اولھ میڈی عمر دا حاصل ہے دوستو  
گذریا ہے جیڑھا لمحہ مٹا دلہن با دے نال

کوندھیں ! تاں میکوں پورچا اپنی مگلی دیوچ  
آنی جزا تاں ڈے میکوں سانول سسر ادا دے نال

نفرت داخول مہنت تے ہے پنجر ہے کچھ دے دے دے  
آندرا نوہیں پایا جا پدا چنگے ارادے نال

سادن دی رت ہے اوج ذرا زلفاں کھنڈا تے ٹر  
اوج شرط لانا نوٹی ہے میں کالی گھٹا دے نال

بس کہ ریاض امانہ ہن ڈھینگریا تے ویٹ  
کیا ملسی تیکوں کہ تے وفابے وفادے نال



میں آپ اپنی جان پھسائی ہے عذاب وچ  
کھا بیٹھاں آپ دو کھاتہ ڈے انتخاب وچ

سوہنے ناں پھل وی ہن مگر اے یار تیں سنوئیں،  
خوشبو ربیل وچ ہے نہ رنگت غلاب وچ

قاتل دے جرم وچ مڈی کجھ کجھ رضا دی ہئی  
لکھو چائیڈے قتل کوں میڈے حساب وچ

بے گل نہ کرجو توں ہن اجاں خود کلی دے وانگ  
گل بن تے گل کھلا گھنیں بے شک شباب وچ

رو روتے حال دل دا سٹائم جو یار کوں  
او پھکی پھکی کھل رہا کھلدا جواب وچ

مہنہ زور سہی جوانی دا گھوڑا سنبھل اے دوست  
جھل داگ کوں تے پیر ٹکا رکھ رکاب وچ



کینویں و لہڑیوں کینویں میڈا ڈکھ ونڈیدیں توں  
کہیں ڈینہہ تاں اینویں مل جہنویں ملدا ہیں خواب وچ

دل دی کتاب تیکوں ڈکھساں تاں جاٹیسے  
کیا کیا لکھیندا پیا ہے سچو تیڈے باب وچ

ڈینہہ رات جلوے یار دے ہن سامٹھے ریاض  
بھانویں جو لکھ لکھی رکھے چہرہ نقاب وچ



پیارا دُشمن ہے پر ظالم بہوں پیارا لگے  
رہ تے گھن آنواں میں اوکوں جے مٹا چار لگے

پھلاں دی شبو حقیقت وچ ایندی محتاج ہے  
باغ وچ جھولا ہوا دا جیڑھا آوارا لگے

تیڈے باجھوں زندگی ہک مستقل آزار ہے  
ساہ گھناں تاں ہاں دے وچ چلدا ہويا آرا لگے

ملا آ رہ وچ تاں اینویں کپڑے کنج تے ویندے لنگھ  
جینویں ہنڈ لایاں اُردندی پوشاک کوں گارا لگے

نیڑے دسک پُرا جاں باہر ہے میڈی پیہنچ توں  
فاصلہ کھٹ گے! مگر حالی وی بہوں سارا لگے

شاعری وچ بہوں میندا تے پچھیندا ہے ریاض  
پر جے تیڈے کوں آ بہوے تاں بے بارا لگے



عشق دا پینڈا او جھڑو لے خطرے خوف ہزاراں،  
تھسکیا پیرتاں پچناں مشکل کسی گھڑاں کئی غاراں،

سمجھیاں جو رت بدلی تاں ترسین پھل خوشیاں  
اٹا آس دیاں لغراں کول سٹیا ساڑ بہاراں

نہ امید دا چسانن نظرے نہ کہیں جا ہتھ پھتے  
یاوہی دے اندھے کھوہ پچ ودا تھیا کے ماراں،

لڑ لگیاں دی لاج رکھندی کیتے قول نبھیت دے  
کوٹھے چارھتے پوٹریاں کپن عادت نہیں لجداراں

سجناں نال وی پترے بازی غیراں والے چالے  
توں وی سمجھیں یار جو بدلیاں ویلے دیاں رفتاراں

کیا میڈی اوقات کراں میں تیدے پیار دا دعویٰ  
اپنی چادر ڈیکھ گھناں تاں پچھے پیرساں  
بے قدراں دی دستی وچ کہیں جیندی قدر نہ جاتی  
جڑاں ریاض مویو سے لوکاں چمیاں آن مزاراں





چرچاہے میڈے قتل دا گھر گھر گلی گلی !!  
رَسوا تھیا ہیں آپ ستمگر گلی گلی

اس شہر دا رواج ہے گردن نواتے تڑ  
لکے کھڑن ہراں آتے پنخبر گلی گلی،

غزنی! اسال ڈوں ہک بیا محسود بھیج دے  
ہن عام سومنات دے مندر گلی گلی

یار و سخن دے موتیادی جھولی بھری دواں،  
تڑ پھرتے نت وندینداں جواہر گلی گلی،

آنوٹاں ڈیو ذرا مڈے چوڑی دچندر کوں  
آپے اکھیسو تھئی ۛ منور تھلی گلی

منزل! متاں ایس قافلے دی تانگہ رکھ بہیں،  
راہی تاں ٹانواں ٹانواں ہے رہبر گلی گلی  
ہک بے وفادے عشق نے روئے ریاض کوں  
دھکے ودا جھلیندا ہے دردر گلی گلی،



دل نہ تھی بے قرار آویسی  
پھال آدھی یار آویسی

شمع! پروانیاں دی تھوڑیاں نہیں  
ہکبے مویا ہزار آویسی،

کینوس ہاں دی ہوا کڈھاں میں  
تیڈے دل تے غبار آویسی

توں نوہیں تاں خواں دوسرے ہیں  
توں جو آسیں بہار آویسی

بے وفا ہے او بے لحاظ تاں نہیں  
تھی تے خود شرمسار آویسی،

رات ڈکھ دی کڈاں تاں دھم پوسی  
کئی تاں سکھ دی ڈینھوار آویسی

محض سچی طلب ہے شرط ریاض  
تھی تے مجبور یار آویسی،



یقین پس جو مرٹ دے قریب بسمل ہے  
مگر اجاں دی ستمگر ستم تے ماٹل ہے

بجا جو یار مسڈی ہر خوشی دا قاتل ہے  
پر اوندی مرضی دی پوچھ میڈی مرضی شامل ہے

ایہہ دشمنان دے ڈساوٹ دی گالھ نہیں اے دست  
جو دل دا زخم مسڈی دوستی حاصل ہے

نہ اپنی مرضی دا آونخ نہ بول چال دا حق،  
ایہہ بندی خانہ ہے سافول کہ تینڈی محفل ہے

اساں تاں پیار تے لائی ہے چا جان دی بازی  
تھاڑے لیکھے ایہہ ہاسا مذاق ہے کھل ہے

میں جان ڈے تے عطا کیتے موسماں کوں سنھپ  
ایہہ لالی شام دی میڈے لہو دی رتول ہے

اس خوفناک فضاء وچ دی شر دی تخلیق،  
ریاض وہ تیسڈی ہمت سراتیڈا دل ہے





اُج بے وفانے کیتے عجب طرز دا سلام  
ٹو دا گیتے آدھا گیا بس مسدا سلام

متھے نے ہتھ نہ رکھ سکوں گل نال لاتے مل  
اپناں سمجھدا ہیں تاں نہ کر اوپر اسلام

مر کہیں دی ہے سلام دعا بند اسدا دے نال  
رکھی ہے تیڈے نال جڈاں دی دعا سلام

آگیاں پچھن تاں جسدڑی دا نذرانہ گھن تے ورنج  
کئی ڈوینہہ تاں یاد رہیا بیمار دا سلام

پیا جا پدا ہے اُج سکوں قاصد دی ٹور توں  
کوئی سد سنہڑا ہو سی میڈے نال دایا سلام

مکھڑے تیڈے کوں ڈیکھ تے ڈتی سلامی چندر  
زلفاں تیڈیاں کوں ڈیکھ تے کیسا گھٹا سلام

یورپ دی ہیل گھٹی ۽ پھل لاکھ سے کھڑن،  
گھن آئی ۽ آج بہار داساید ہوا سلام

کیا راز ہے جو آج مسکوں گھٹ گھٹ تے بلداپیں  
تیں ڈے تے سدا ہنہ کڈا ہیں کیتا نہ ہا سلام

تیڈے سلام مال ڈتین ڈکھ ریاض دے  
تہڑ تاڈا ونددار مہوی اینویں ہک بیا سلام



بیگانے تاں بہن بیگانے،  
تروڑے یاراں وی یارانے

لفظاں دے موتی بہہ پونداں  
لفظن میڈے مال خزانے

ہن کچھ تعبیراں وی بخشو  
کے تیں ڈیکھاں خواب سہانے

عقلاں والے مبعی پے گے  
تیں تیں آپہنچے دیوانے،

وہ رحمت نے جھڑیاں لایاں  
ڈٹھیاں سالھیں لٹھ گئے کانے

ہر کوچے دپ سوبیاں نظرن  
قدم قدم تے بندی خانے



جامِ نظر دے پیندا بیٹھاں  
کھولی رکھ حالی میخسانے،

دیوانیاں کوں کجھ نہ آکھو  
دیوانے ہوندن دیوانے،

جے تیں شمع نہ ساڑے خود کوں  
بھولتے نہیں ڈیدھے پروانے

تیڈا میڈا پیار حقیقت  
لوکاں جوڑ گدن افسانے،

کول ریاض دے بڑبڑ بہندن  
دیوانے دے یار دیوانے



سینے وچ اگلا زلزلہ کائسنی  
دل دی او پہلی ہو ہوا کائسنی

ڈھیر کھا دکن میں دوستی دے فریب  
دوستو ہٹ تان حوصلہ کائسنی

تیل باجھوں چراغ پے بلدن،  
شہر وچ تہوں تان سو جھلا کائسنی

موت دا دی سواد چکھ گھنسون،  
زندگی وچ تان کوئی مزا کائسنی

عشق دے ضابطے دے وچ شاید  
بے وفایار دی سزا کائسنی

رند ڈاڈھے گنا ہنگار سہی  
واسنھا توں دی پار سا کائسنی

موجھ، سنج، بکھ، مہبتاں صدے  
میڈے گھر سبھو کج ہے کیا کائنی

میکوں ویچن بکنوں نہ کھڑے بھرا  
پر میں یوسف سنواں بھرا کائنی

تیکوں خنجر جیں یوڑیا ہے ریاض  
تیڈا اپٹاں ما اوپرا کائنی





جوسی آدھے سال تہڈی قسمت واکینویں ڈتساں  
تیڈی متک دے لکھتے ویٹیاں ہن کہیں متساں

ایہہ وستی اٹ بولاں دی اتھ بولن عیب گینسا  
میں بلیار ہاں ڈستو لو کو میں کتھاں وچ ڈتساں

بہوں مہنہ زور ہے وصل دی خواہش قابو وچ نہیں آئی  
ایہہ امرت میں جتنا پینداں دل دی آتساں

ویلے دا چنگیز نواں مینار کھڑا اُس ریندے  
دارے مال سیراں دیاں ستھاں ڈلیوں تساں اُتساں

پکچ دے کچی ڈھنگی پیچی پاگئے پیچ کلتے،  
پیر اگو نہیں پون پچھو نہیں جیڈیاں کراں کساں

یار دے دل دیاں میلاں دھوسی اوڑک مینہ ہنجاواں دا  
بدلی بن تے ساون ڈی وچ یار دے در تے وُتساں،

بٹاں ریاض سچن دی جتنی جم جم پیسریں پاوے  
ٹرے اوناز نواز دیاں ٹوراں میں ویرھے وچ گساں



قرار دے تے نہ ونج بے قرار کیتی ونج  
اچھو پلا جیہا نظراں دا وار کیتی ونج

توں آپے کیر دے ڈوں چار پھل تبسم دے  
ایں غمکدے دی فضا خوشگوار کیتی ونج

توں وعدہ کرتے رنگ لکھ چاہی دی سلہ تے  
توں جھٹ داجھٹ مسڈا ناں ٹھٹھٹھا کیتی ونج

کچھ اپنی کار گزار می دا جائزہ دی تاں گھن  
مہڑے یلجے دے برے شمار کیتی ونج

ایہہ دل دا سودا ہے سائول کیہاں حساب کتاب  
ستم شمار نہ کر بے شمار کیتی ونج

نہ سوچ نفع نہ نقصان دی توں سر پرواہ،  
جھٹا نصید و فادا و پار کیتی ونج

اوں بے وفا دی وفائے نہ شبہ کر توں ریاض  
فریب جان تے کھا اعتبار کیتی ونج





یکنویں سنجائیاں شکلاں میں ایں دھوں اندھار وچ  
ہر چہرہ دھندلا ڈس دے دلاندے غبار وچ

بے شک میں تیرا جوڑ نہیں پر پرے نہ بھیج  
ونچ ڈیکھ چوکھا فاصلہ ہے پھل تے خار وچ

انسان دے ضمیر دا کوئی اکھ نہیں رہیا  
سونے دے بھاوکا تدی مٹی بنزار وچ

رت روندامیکوں ڈیکھ تے خوش تھیندے بیوفا  
آدھے ایہہ لال موتی پوئیاں میں ہار وچ

تنگہ بچ گزر دیاں پن مڈے دل تے قیامتیاں  
سانول توں حالی مست ہیں سولہاں سنگار وچ

ساوٹ دے لہریاں ہجر دی بھاکوں ڈتیاں ہولیں  
پلٹے بھڑکدے پن تہوں ٹھڈھڑی پٹھہار وچ



زگس وے پھل کوں پوڑتے اکیس نہ ڈیکھ توں  
جو بھاں سہن دی تاب ہے کتھاں بھسار وچ

اونویں تان جھک نوالی مٹھی عادت ہے پر ریاض،  
پکھی ہے مٹھی سوچ دا اچھی اڈار وچ،



ہک ڈکھ ڈیوے بیا پیار کرے  
اُج کون ہے جو نروار کرے

اُج بولن تے پابندیاں مہن،  
کوئی غنم دا کیا اظہار کرے

میں اینویں اُجڑیا پُجڑیا رہاں  
او اینویں مار سنگار کرے

وَت گن پئے سبکدن تغمیاں کوں  
کوئی جھا پُجھ دا چھنکار کرے

او میڈے دل دا پتور جو ہے  
او کینویں اکھیت چار کرے

ہے زہر مسیحا دے مہمہ وچ  
ہن ڈسوکیا بمبار کرے

او پھرتے کیوں پیلا ٹلدا ہے  
جے دشمن ہے تاں وار کرے

نہیں دل دے داغ شمار دیوچ  
ایہہ تارے کون شمار کرے

چو فیر ریاض اندھارے ہن  
کوئی چن بن تے چمکار کرے





ڈے تے منہ دی بیکھ او بالوں گزر گیا  
خوش ہاں جو دل غریب دا ہک ڈنگ مر گیا

ہک منہ منہ بھل دی مسکوں ذات بخش تے  
کوئی شخص خوشیاں نال میڈی جھولی بھر گیا

جلوے لٹاتے جھل گیا نظراں دیاں شالساں  
ڈیکھن دا میڈیاں اکھیت تے الزام دھر گیا

ڈبٹی تھیں ونیدی میں کنوں جنگل دی چپ گرپ  
پرکتھوں آٹاں رونقاں مجنوں جو مر گیا

ہی میڈی لیکھ گنڈھ اوندے ڈوڈیاں دی منتظر  
کھولی اوں زلف میڈا نصیب سنور گیا

او نکلے مستے بویا تاں مونجھاں دا اڈیا رنگ  
خوشیاں دا رخ امیدیں دا چہرہ نہکھ گیا

کھوے گھرے کوں بھرتے میں پچھتاؤا ہاں ریاض  
پانی دا گھٹ نہ میوں ڈتس جھدا جھ گیا



عشق دے جھوٹے رچ بھم جھوٹے پئے گئی قسمت سبھی  
ملکے بھار زمین تے دھکم پینگہ ایسا ریوڑ تری

مڑتے میں دیوانے دابٹ جھاڑ طرہاں پیا بکھے  
انگ انگ وانگ مشال دے بلیا لاش ہے پتھراں چٹی

اندھا بخت نہ شکلاں ڈیکھے سر نہنہ وڑھتے ولہو  
کال بتھاری سونے لڈی چن ورگی کن بیٹی،

میں جے کہیں اٹھ چتے راہی دے ول پیر نہ بھاسن  
کنگھی کرتے سٹ نہ رستے وچ والال دی جٹی

جانڈاں توں مجبور ہیں ڈھولا اوکھن آنوٹ تیدے  
ویل کوئل تاں بھاتی پاو مخ مل و مخ مارتے جھٹی

سوچاں سیٹیاں مال خزانے شعر ریاض جگہراں  
بھانویں جمولیاں بھرتے ونڈی ایہہ دولت نہیں کھٹی





او ہک شخص ہر کہیں تے جیندی نظر ہے  
خبر نہیں جو کیوں میں کنوں بے خبر ہے

مڈے باغ دیاں موسماں دے خداؤ  
ایہہ کیا رت ۽ ہر ٹینگلی بے کتر ہے

نہ اوڈھرنہ چھاں - چٹ پدھر چار پاسوں  
مڈہما زندگی جینویں منتقل داسفر ہے

خطا اکھ نے کیتی سزا دل نے پاتی  
مڈے عشق دا واقعہ مخمصر ہے

میں تکی تاں ہی تیدی دیوار دی چھل  
تھیا کیوں مڈہ جسم لہو نال تر ہے

اَساں لوک ہیں جیندیں جی مویاں واکوں  
ریاض او دی ہا جیڑھا مرتے امر ہے



رُوپ مٹا بہرُوپ نہ سمجھوا پٹے اندر میں ہاں،  
ظاہر باطن ہک ہے میڈا اندر باہر میں ہاں

پُٹھے سبتھے لیکے مارن لوکاں میڈے ہاں تے  
اُن تمھاریاں دے ناں لبھدو تاں پھولو دفتر میں ہاں

سوچ مڈی نت متھائی کے مڈی انا دے بُت کوں  
میں ہاں اپنا آپ بچاری اپنا مندر میں ہاں

اپنی ذات سنجاتی نمٹھ تاں اوتیں ہم ہک قطرہ  
پاتم انت تاں جاتم جو بے انت سمندر میں ہاں

تیں دی نہیں کوئی تیر چکایا میں دی سہی نہیں کیتی  
توں دی بیشک توں ہی میڈا چن میں دی پر میں ہاں

رہساں یاد ریاض زمانہ میکوں پڑھدا رہسی  
ویلے دی تختی تے اکریا ہویا اکھتر میں ہاں



تسے نظر اکھتیں مڈیاں ہن توڑے تر وی  
توں ڈسدوں تاں تر یہ اپنی لہا گھندی نظر وی

چپ کرتے پیا و ہندے مڈیاں سوچاں دا دریا  
نہیں شور مچیندے مڈیاں یاداں دے مہنور وی

آنویں تاں مڈیاں اکھیں دیوچ جوڑیاں سٹے آ  
ڈیون نہ تمکوں خنیں مڈیاں پلکاں دے سروی

کچھ لوک جو ٹبدن تاں گلیندن نہرے گھکے  
ہن ورنہ سمت در دے اندر لعل گہر وی

توں ڈسدیں تاں ڈوں وقت مڈے سامنھے ہوندن  
زلفاں دی سیہ رات وی چہرے وی سحر وی

آندوں تاں مڈیاں رات دیاں بے تابیاں ڈیدھوں  
دل وچھدا رہا کھلے تر یہے اکھیں دے دروی



سُنیا گا جو پڑھ گھنڈے او مضمون دلاندے  
ازمایا تاں دلبر توں اُٹھجی نہ سطر وی

اُج تیں وی میں امیدیں دتھل پُچ ودارکداں  
ہے بھانویں جو ممکن تے جیاتی دا سفر وی

رَد کیتے ریاض اوں مڈے شعراں دے صحیفے  
ہن عیب اوندیاں نظراں دیوچ مڈے ہنر وی



میٹ قسمت دے کوچھے اکھڑ کوں  
خود سنوار آپ دے مقدر کوں

تینڈیاں یاداں دے بت کوں کیوں پوچھاں  
خالی کیتھ چا دل دے مندر کوں

میں کن آوے نہ خوشیاں واجھولا  
بند کیتی گئے آس دے در کوں

پتھراں دی جاتے میں ورتے ہا  
ملیا تاں شکوہ ڈیساں آذر کوں

لفظ دے شعلے کوں تاں بھڑکن ڈیو  
دل ڈکھائے بے حسبی دے گھر کوں

ترشے ہوئے جسم سنگ مرمر دے  
روپ بخش خدا نے پتھر کوں

تیرے قامت سنو میں قیامت کبھ  
واغظاں طول ڈتے محشر کوں،

کوئی مٹی پگتے ہتھ تان پاؤیکھے  
بھن سٹیاں میں اوندی پنھار کوں

تمغے ملدن مراشیاں کوں ریاض  
داغ محسومی دے سختور کوں





رات ڈینہہ جاری ۽ خشبودا سفر باغاں آتے  
جا پے ہے کہیں گلبدن دی رہ گذر باغاں آتے

پترسک گئے پھل کما گئے تھیاں کھڑتل ٹینگلیاں  
جیڑے ڈینہہ دا لوت نے جوڑیا ہے گھر باغاں آتے

کلیاں کوں مسکا مسک تے غنچیاں کوں کھل تے کھلا  
آجو گئیں سانول ماں کوئی احسان کمر باغاں آتے

دے کھاتے پھل کھواون دھپیں سہرتے چھاں کرن  
تھیندے کیا کیا جبر کہیں کوں کیا خبر باغاں آتے

رات وچ کیا کچھ دہانی پکھیاں تے میں توں نہ پچھ  
ڈینہہ تھیا ماں کھتے کھنڈ آسن نظر باغاں آتے

برف پئی کر دی ہے یخ تھی گن درختاں دکر مزاج  
زندہ ہن پر مردیاں وانگیں ہے مٹھر باغاں آتے

گھل پیا ڈکھن تاں ڈس پھٹس شگو فی لہکسین  
غنیچے تر تر سن ویسی کھل خوشیاں دا در باغاں آتے

گھاٹے جنگلاں کوں جھنجاں پدھر بنا پھوڑ ریاض  
مٹن او پے از میندے ہن اپناں ہنر باغاں آتے



میں جڈاں سکھ دی راہ بھالی؎  
ڈتی ڈکھان مسکوں ڈکھالی؎

بجھ کنوں منگدے رحم دیاں بیکھاں  
ایہہ پتنگا عجب سوالی؎

میڈا لہو شاعری کوں پیوٹ ڈیو  
ایہہ مصیبت میں آپ پالی؎

مورتاں کئی سجائیاں ہن دل وچ  
پر ایہہ خانہ اُجھاں وی خالی؎

اُبھریا بھانویں چندر چوڑیں دا  
ڈکھتیں وی رات اُجھاں وی کالی؎

مہکدے پن غزل دے آج گل پھل  
اِس بچمن دا ریاض مالی؎





کرم نہ کیسا تساں جیں ڈینہوار اکھیں تے  
اد ڈینہہ گزر سی قیامت دی کار اکھیں تے

مکوں نچھاتے اوکر گھدے نیویاں اکھیں،  
جو مَس پواں میں متاں شرمسار اکھیں تے

مڈے خلوص کوں کج گئی دھند نفرت دی  
سجایا لوکاں دِلاندا غبار اکھیں تے

سمجھ نہیں آندی سڈے دل تے زخم کیوں مٹھی گون  
انہاں تاں کیسا نا نظراں دا وار اکھیں تے

میں کتیاں سوہنٹیاں اکھیں دے کوڑ پکڑے ہن  
دوسو میں کینویں کراں اعتبار اکھیں تے

توں آ تاں سٹی سڈے قدماں کوں خینس ڈیسا نہ میں  
نٹن نہ ڈیاں کریاں سوار اکھیں تے

قَرَن رُخ ڈکھا دیں تاں میں نقد جان پیش کراں  
رہن نہ چن سڈے جلوے ادھارا کھیتے تے

سجھ دے باجھ نہ ترڑ بسن غلاب خورشید  
جے دت دی آندی آوے بہار اکھیتے تے

ریاض یار تاں ڈٹھی نگاہ کاوڑ دی  
پر آگیا ہاسڈے دل کوں پیارا کھیتے تے



بیڑھے میڈی روح میڈا جسم میڈی جان ہن  
کینویں متاں اوہے میڈی موت دا سامان ہن

درد غم مو بچھاں منجھارے۔ سول سوتوک ساڑیک  
دل ! انہاں دی داری کرا یہہ سبھہ تڈے مہما ہن

کینویں مہل سنگدے میڈا دل سچاں دی بخشش کھن  
داغ محرومی دے جلتے ہن انہاں دا دان ہن

معرفت ناں ہے فقط خود آپ دی پہچان دا  
بیڑھے ایں عرفان توں محروم ہن نادان ہن

لکھی جا جا حکایت سوہناں تیدھے حسن دی  
چندر تار کلیاں پھل غنچے فقط عنوان ہن

شکر ہے شاعر ہے پر شہرت دا بُکھا نہیں یاس  
ورنہ کئی نا اہل اجکل صاحب دیوان ہن





بے دیداں کھس گردن مڈیاں دیداں دے سو جھلے  
گھن بیٹھاں اکھتیں ڈے بیٹھاں اکھیاں دے سو جھلے

ایں گونگی باقی رات کوں ڈتی ۛ میں شکست  
ہن دس وسیب وچ مڈے لفظاں دے سو جھلے

وعدی رات دھم پی آئیوں اجاں نہ توں  
تھے میڈے دانگ پھلے چراغاں دے سو جھلے

ہک ٹمکد اپراغ ہے سانول دی یادگار ،  
کیتن جگرہ دے زخم نے درداں دے سو جھلے

اکھس نوٹج ویندیاں اندھیرے دے زور توں  
موجود جے نہ ہوندے کتاباں دے سو جھلے

ہے سامنے ریاض دے حالی سخن دی شمع ،  
حالی وی آپاں ڈیکھسوں غزلاں دے سو جھلے



دیر کھانڈیں پیار کریندیں  
لک لک تے کیوں وار کریندیں

تیڈا نمھ تاں بیا کیندا ہاں  
پر توں نہیں عتبار کریندیں

چھک چھک نوکاں پنیدیں کجلے  
کیوں پیا تنکھی دھار کریندیں

میڈی آس دے محل منارے  
چاہیل وچ مسمار کریندیں

تیڈا حسن ہے زیور تیڈا  
دل دی ہار سنگار کریندیں

غیراں کوں کچھیں لا ٹرے دیں  
صرف ریاض توں عار کریندیں



ہے بیاہک آدمی ہر آدمی وچ  
پرکھ ہر شخص کوں ایس روشنی وچ

خوشی وچ خوش نہ تھی غم دا نہ کر غم  
خوشی ہے غم دیوچ غم ہے خوشی وچ

سجیٹ شالا تیڈا بھت گھاٹا تھیوے  
مسکوں ہر گھاٹا پجڑے دوستی وچ

نہ ٹپ ہن دشمنی دی حد کنوں دوست  
اگوں تے ودھ نہ ایڈا دوستی وچ

تڈا غم جان دا دشمن ہے ورنہ  
اساں سے غم ڈیٹھے ہن زندگی وچ

ڈٹس ہک بے وفائے صرف آجھا  
ریاض آیا دوے کیڈی تری وچ



بونا بونا بھنگدیں ساری دستی کھڑاں انگھالی  
جیڑھے مہنہ دی بسک ہم او مہنہ ڈیندا نہیں کھالی

چھے ڈینہہ دیوچ ڈنگیاں سیدھے پدھر رہ تے  
زب جانے کتھ پئی ہئی تیڈی زلف دی ناگن کالی

شیش محلّہ دے وچ بہہ تے وٹے مارٹ والو  
ایہہ وی ڈیکھ کھنوجو نہیں ہن میڈے ہتھ دی خالی

تاجوراں کول کاوڑ ہے میں متھا کیوں نہیں ٹیکیا  
کیا جانن آداب شہانے میں جھے مست موالی

جے تیں رات نہ دھمے اوتیں کریں نہ مول اویل  
نکھئی لاٹ رکھیں پر رکھتیں سوچ دا ڈیوا بالی

اپنے ہتھیں آپ اڈا چھوڑیا ہئی آس دا پکھئی  
کیا ہتھ آکر تے دل میڈے دا پنجرہ خالی

بے چیتیاں کوں چیتے لائے نی رول ٹوتا ہی عشقا  
دس دے رسدے گھر گالے نی ونج ووئے اللہ گالی

سجٹاں باجھوں کہیاں عیداں نہ دس عید کچناں  
توہیں سو تک آن جگیندیں توں وی سال پسالی

اساں ریاض سجن دے درتے دھوئی لاتے بھسوں  
سیدھا ہنہ دیسی نہ ڈیسی ساڈا لی اللہ والی



تیڈے باجھوں ہے اینویں جالی رات  
جینویں گزری وچ کٹھالی رات

میڈا پھن تیڈی چانٹی دی قسم  
تیڈے باجھوں ایہہ جگہ ہے کالی رات

تالنگہ وچ میڈی اکھ وی نہیں جھمکی  
تیس نہ سانول ڈتی دکھالی رات

بال پلکاں تے ہنجواں دے ڈیوے  
میں منیڈا ریہاں ڈوالی رات

تیں تے میں جیڑھی زل گزاری ہئی  
کینویں و سرے او کرماں والی رات

تیڈے رخسار دا فقیر ہے چندر  
تیڈیاں زلفاں دی ہے سوالی رات،



تیڈا پیغام سُن تے گزری ہے  
 تیڈے بیمار دی سُکھالی رات

ڈھیر فرصت نوی تاں ٹمک پو دوست  
 صرف ڈوں ڈینہہ تے ہک دھالی رات

ویندیں ویندیں ریاض دلبر نے  
 جھڑتے کینتی ہے پیت پالی رات



مڈی روندیں عمراں گزری ہے ہم تانگہ سجن ڈینہہ رات تنڈی  
ایہے نت دے جھورے جو کھے ہن اوقات مڈی سوغات تنڈی

تیں سرمنگ تے کجھ کھٹیا نہیں میں سرڈے تے لکھ وٹیا ہے  
ونج پچھ تارینخ دے ورقیاں توں ہے جیت مڈی ہے ماتنڈی

ہک غم ڈنیدوں تاں غم کیا ہاتیں روگ ہزاراں نخستے ہن  
توں دس ہاں یار لکانواں میں کیڑھی کیڑھی ڈت ذات تنڈی

سٹ ستر دی مول نہ نس پتل لگ ویسا دانگ بلوچاں کوں  
او تھل پچ رلدی مرویسی جا جاتے بھنڈلیسی ذات تنڈی

جھڑ سا نہ کھڑا سنوریندا ہے آجھمڑ ڈیکھوں کنڈیاں دی  
ہک میں نہم تیڈی تانگہ دے وچ ہے تانگہ دیوچ برساتنڈی

بے موت ریاض نہ مرا نیویں اوج ونج بہہ یار دی محفل وچ  
اکھ نال تاں اکھ رلدی رہی بھانویں جو نہ پچھسی بات تنڈی

نزدیک رہتے اتنا ہاں دلدار توں پرے  
جینویں میں اتھا اوچلین دی دیوار توں پرے

ہر کہیں کوں تہہ نا پوندے زمانے دے نال نال  
ہک میں ہاں رہنداں وقت دی رفتار توں پرے

دل آدھے پھل کوں تر وڑ گھناں ٹنگلی توں میں  
افسوس ہتھ نہیں بجرا مٹا خار توں پرے

چھک تے کجل دی دھار مریندیں نظر دے تیر  
کہیں دل دی کیا مجال رہے مار توں پرے

باغ پیچ نہ ونج جو کلیاں کوں ہاسے نہ بھل وخن  
کجل کھڑ دیاں ہن جو ہن سڈھی مسکار توں پرے

ایہہ کوڑ ہے جو ہندیء دل نال دل کوں راہ  
میں تیڈے نیٹے نیٹے ہاں پر یار توں پرے



کینتا ہے میڈیاں کندھاں تے کہیں رنگ اوپرا  
گھر دچ ماں اینویں ہر فی جینویں یار توں پرے

صیتا د! تینڈی قید دی منظور ہے مگر  
رکھتیں نہ میگوں پکھیاں دی چہکار توں پرے

میڈی غزل اوں کوںخ دا کمر لاٹ ہے رماہن  
بھڑھی نکھڑتے رلدی، ودی ڈار توں پرے



اتھاں ہک ہک شگوفے کوں اہوا پٹاں پلائی ویندوں  
اساں رہسوں نہ رہسوں پرہمن دی دھج بٹائی ویندوں

پتنگے وانگ سسڑتے آپدی ہستی بٹائی ویندوں  
مگر سانول توں خوش تھی تیڈی محفل ناں سجائی ویندوں

اساں ڈسیاں نہ تیں چھپیاں مگر تھیندیاں رہیاں گالھیں  
تسکوں ہنجواں دے شیشے وچ تڈا چہرہ دکھائی ویندوں

وفا دے بیج رادھن پر وفا دی فصل نہیں پھلیدی  
مجتاں بے مثر بن نفرتاں دی ڈھیری چائی ویندوں

چلو آج نہیں تاں کلہ کہیں وقت وٹ چسں اس وستی دے  
مٹیں چھاں اساڈے بال اساں دھپیاں نبھائی ویندوں

ریاض آج تیں ہے ہک ہتھ پیر قلم کاغذ ہے بے ہتھ پیر  
لکھی ویندوں لکھائی ویندوں پڑھی ویندوں پڑھائی ویندوں



جیڑھے ڈینہ دے تیڈے ساڈے رابطے تھیون لگے  
بت قریب آنون لگے پر دل پرے تھیون لگے،

آزمائش دی گھڑی چر کیتے کن سبجٹانڈے میں  
دوست پرکھیون لگے مھوٹے کھرے تھیون لگے

اوپری رت دے کہیڑ چر منز لاں سیدیاں ہن  
آؤ سڈے رلیا ندھیو ہن پر کھرے تھیون لگے

گنڈیں گنڈیں ساڈے گن تھکدی نہ ہی جیندی زبان  
اُج اوندی محفل دے وچ ساڈے گلے تھیون لگے

جینویں جینویں چڑھدا وینداں قتل گہ دیاں پوڑیاں  
آؤویں آؤویں طے وفا دے مرحلے تھیون لگے

تیڈے رُس گیس وی نیں گھٹیاں ساڈے دل دیاں رونماں  
تیڈیاں یاداں نال ساڈے رُحجے تھیون لگے



بُھلے کپڑے ہتھ کتاباں بال پٹے ویندن سکول  
ہُنُں مثالیں بل پیاں ہُنُں سوچلے تھیون لگے

وت ادھا ہریالی ساؤل وت ادھا وچھڑن دی رُت  
وت بہار آئی ! زخم دل دے وت ہرے تھیون لگے

ایں توں دودھ کیا مچھی تیڈی شاعری دی دھم ریاض  
یار دی بزم چڑھی تیڈے تذکرے تھیون لگے،



جانڈاں جیڑھا پاگڑا ڈیسی  
خوشیاں منگساں تاں غم و دھا ڈیسی،

ایڈا دشمن تاں کوئی نہیں میڈا  
جیڑھا جیون دی بد دھما ڈیسی

کھول بہہ آج تاں دل دا دروازہ  
ہک فقیر آن تے صدا ڈیسی

کنڈیاں تے ٹہنے پجساں منزل تے  
ہر نواں زخم حوصلہ ڈیسی

اصلوں چھانڈیں نہ ویڑھے دگوٹ کوں  
پتر کوئی ہلسی تاں ہوا ڈیسی،

مٹھدا ویندا ہاں سیڑھ دی تگ تے  
کہیں نہ کہیں پا سے کندھی لاڈیسی

درد - غم - چنٹے - روگ رسوائیاں  
بیاہوں کیا ڈیوٹیاں ہاکیسا ڈیسی

آندی پی ہو سنگر پنکرتے صبا  
کوئی سنہڑا بہار دا ڈیسی،

یار نے حال پچھ گدا تاں ریاض  
اپنی تازہ غنڈل سٹا ڈیسی،





پھل کون تیڈے جسم دی خشبو ملی رنگت ملی  
جیڈا چاہیں مان کر چن تیکوں او صورت ملی

توں وی غبراں پرچ مگن ہیں میں وی ہاں زخماں توں پھور  
ہک نظریں کن وی ڈر تیکھیں جے ذرا فرصت ملی،

تیڈے باجھوں کون چکھو سندا ما سولاں دا سوڈ  
میں ستمگرہ دا کرم جو دل کوں ایہہ لذت ملی،

پیر تلٹھیندے ریہے توڑے وفا دی راہ وچ  
جھٹھ خیال آیا تنڈا دل کوں نوپیں ہمت ملی

دیندیں دیندیں کہ گیا میڈے کلھپے دا علاج  
وچھڑیا دلبرتاں دل کوں درد سنگت ملی

شہر وچ موجود ہن بے وی سیاں مقفل ریا من  
دیکھاں اول بے درد دے کچے کوں کیوں شہرت ملی



جسم پس مردے وانگیں دل دی پتھر دی طرحاں  
کیڈا سچا شخص ہے اندروں ہے باہر دی طرحاں

تیں جو ٹھکرایا ہے میگوں کن دنجباں میں ڈس تاں سہی  
سارے رستے بند ہن سانول تبڑے در دی طرحاں

فجریں ویلے ترڑے پھلتے ترڑے ترڑے ڈٹھم  
لگیا منظر یار دے متھے تے پنگھر دی طرحاں

لفظ ہاں پر ایہجی آج تیں نہ پڑھیا کہیں مسکوں  
شیت پگچ پگچ مٹی گیاں ان پڑھ دے اکھر دی طرحاں

کوئی ٹیکاڑ اوپر نہیں میں جھے پاندھی سے کیتے  
میگوں ہر جا جا پدی ہے آپدے گھر دی طرحاں

زندگی دپے اتنے بت دل نال پوجن میں سے ریاض  
یاد آویندن تاں لکدے ذہن مندر دی طرحاں



بے نیثرے رہتے دور کوئی  
دبختے کن تے مجبور کوئی

ایہہ دستی کبھی دستی ہے  
نہ قاعدہ نہ دستور کوئی

آج دل دی جھولی خالی ہے  
آج ڈیکھ نظر بھر پور کوئی

ایہہ چار ڈینہاں دا چانٹ ہے  
کیوں حسرت تے ہے مغرور کوئی

نہیں مہماں پٹیاں کم آیاں  
ایہہ عشق دی ہے ناسور کوئی

چپ چاپ ریاض نہ بہندا  
آج ہوسے گالہ ضرور کوئی





وقت دی دیوار وچ کوئی در نہیں  
سامنے اکھتس دے کوئی منظر نہیں

زلف دی گاری دی گنڈھ ہن کھول ڈے  
کینویں اڈ سنگداں جو میڈے پر نہیں

وقت دے گرداب وچ لٹرھا دواں  
وت دی خوش ماں میڈا دامن تر نہیں

نانگ ڈنگے ماں کلاماں پھریاں ہن  
زلف دے ڈنگے دا کوئی منتر نہیں

اپنے دیوانے دا استقبال ڈیکھ  
کیڑھا ہتھ ۶۶ جیندے وچ پتھر نہیں

وعدہ کر گئے ماں ضرور آسے یا من  
آندیں دیندیں وقت لگدے مرنہیں



زلفاں وچ پھل نہ ٹنگ سنگار نہ کر  
رَت رنگیلی کوں شر مسار نہ کر

میڈے سینے دے داغ گیشدا جمل  
بے شک اپنے ستم شمار نہ کر

اگے دی نیڑے رہ تے دُور ہے  
بئی کھڑی ہک نویں دِوار نہ کر،

جتنی اوقات اتنی خواہش ہے  
صرف نفرت و بجا ڈے پیار نہ کر

اپنے گروان وچ وی جھاتی پا  
میڈے دامن کوں داغدار نہ کر

سونے بدلے نہ لفظ ویچ ریاض  
لفظ کوں ایڈا بے وقار نہ کر



ایہہ دل دا سپج؟ یا دوکھا نظر دا  
جو نہن ٹیڈے ڈٹھیں دی ہاں نہیں کھڑا

مسکوں ترہ دی نظر دے نال ڈیدھیں  
جینویں عنوان ہاں میں کہیں خبر دا

نہ اینویں رستے وچ بہہ رہندا پاندھی  
جے ایکوں تو کھلا ہوندا سفر دا

جے نکلاں غم دی کئی کندھی ڈہانتے،  
میڈے گردوں نواں ہک کوٹ اُسردا

میں اندروں تڑپتے اینویں تھی گیا ہاں  
جینویں دروازہ کہیں مفلس دے گھڑ دا

دھڑکرم دل کہہاڑی یاد کرتے  
جے ڈیدھاں کوئی نواں سلتھوں انگر دا



نہ توں اوہیں نہ میں اوہاں نہ او وقت  
مگر او حداثہ کیوں نہیں دسردا

بس ایہہ کتبہ مدفن فن دا ثمر ہے  
جو ایہہ مدفن ہے ہک صاحب بہنر دا

او ہکو پتر سنت پتراں توں ودھ  
بڈھیے وچ جو بیو ما کون پکڑ دا،

او ڈیکھو گندی پئی جرات آبا سی  
تھیا سمجھوئے چنانہ سحر دا،

ریاض اول شخص کول ہے ضد پیاری  
مناجھن دینج تے جے دیندیں پنکھر دا



ظالماں دا ظلم سرتوں تار ہے  
اُج حسینیؑ دلولہ درکار ہے،

ڈاڈھے رُکھتے ہن تڈی وستی دے لوک  
جا پدے ہر شخص تیبڈی کار ہے

لوک آدھن جیکوں چن دی چاننی  
او تڈے ہونٹھاں دی ہک مُسکار ہے

مچس گیاں فکر اں دچوکاندھے دیوچ  
جیڑے پاسے منہ کراں دیوار ہے

رات لائی ۴ جیں مڈے کوٹھے کوں سندھ  
او مڈی وستی دا چوکیدار ہے،

کھول تے دَر باہر جھاتی پار یاض  
یار دی ر مجھول دا چھسکار ہے



ریاض ایں دور وچ جیون توں ودھ تعزیر کیا ہو سی  
جنھاں حالات وچ کڑیا وداں زنجیر کیا ہو سی

توں جیڑے خواب میگوں جاگدیں اکثر ڈکھائی رکھدیں  
میں ایذا کھلا نہیں آں جٹاں تعبیر کیا ہو سی

لفافے تے لکھے تیں بے دلی دے نال ناں میڈا  
سمجھ گیاں وٹ پڑے سائل جو وچ تحریر کیا ہو سی

نہ ڈر جو روتے تیں دے پیار کوں بدنام کر ڈیاں،  
مڈیاں رگیاں دے وچ لہو نہیں تاں اکھڑچ نیر کیا ہو سی

اول نختا ور دے ہتھ وچ مٹی دی بن دیندی ہوسونا  
نہ جاٹے او دے لب رخسار دی تاثیر کیا ہو سی

کہاڑی چاتے مالمی پے گیا ہے ٹینگلیاں کپڑ  
ریاض ایں باغ دے پھیردن دی ول تدبیر کیا ہو سی





توں پچھ نہ اسال درد دے ماراں دی حقیقت  
کھل ویسی تڈے قول قسار اں دی حقیقت

میں آہا نہ ہم چن جو توں کے تیں نہ منیسیں،  
جذبیاں دی کشش دل دیاں پکاراں دی حقیقت،

پنج سنگدی نہ ہی جان نہ سنبھلن دا ہا دیلا  
معلوم جڈاں تھی مسکوں یاراں دی حقیقت

توں کیوں نہ کریں بندراں جوتیں چوٹ نہیں کھا دھی،  
آپچھ مسڈیاں اکھیں توں جگاراں دی حقیقت

ہر شرب تڈی شبرات ہے ہر ڈینہہ تڈیاں عیداں  
سمجھیں توں کڈاں ساڈے گزاراں دی حقیقت

کیوں دیندیں بخوبی توں مسکوں کوڑ تڈے  
میں جائنداں قسمت دے ستاراں دی حقیقت

تیں کھولیاں زلفاں تاں سمجھ آئی تڈاں میسکوں،  
راتیں دی لمبائی گوڑھے اندھاراں دی حقیقت

واعظ تبڑیاں اکھیتے تے تعصب دا ہے پردہ  
ساتی کنوں چچے بادہ گساراں دی حقیقت

امیت دریاں اول کنوں رکھدا ہے دوا دی  
سٹنڈا نہیں جوا پئے ہماراں دی حقیقت



آہری وِج منزل تے پئے آلسی و ابخے ریہے  
سُہم تے پندھ کاٹا کتو نے پچھے بہہ جھردے ریہے

جو ستارے توں سبجا گئیں میڈیاں پلکاں تے سبھن  
تیڈے رخساراں دے وانگیں رات لوڈیندے رہیے

ننگے پیریں دشت وچ آیا نہ کوئی مجنوں د بعد  
کھیں نہ چلوایا لہو کندے شوکتے رہیے

میل دے پتھر طرحاں ڈیندا کھر داں منزل داؤس  
قافلے پڑھ پڑھ تے میکوں توڑ وِج پجدے رہیے

میکوں میڈے قاتلاں ڈے تے کفن دفنا ڈتا  
میڈے وارث صرف ڈھاپیں مارتے روندے رہیے

سوہنے وی بے موسمے بدلاں دے وانگیں ہن ریاض  
دس پئے ماں جڑتے دھتے نہیں تاں ترسیندے رہیے





ستم کرجے تیکوں ستم چنگے لگدن  
مسکوں دی تہڈے بکتے کم چنگے لگدن

جنھاں دے لکھے لفظ بڈن ستارے  
او ہتھ سوہنے لگدن قلم چنگے لگدن

میں آپے حسیناں کوں کاوڑ لوینداں  
مسکوں لال پیلے مسم چنگے لگدن

میکوں تخت دی پوڑی چڑھیاں توں  
جو مقتل ڈو ویندن قدم چنگے لگدن

خوشی داتاں بھل تے دی چیتا نہیں آیا  
تساں جیڑھے ڈے گئے ہومسم چنگے لگدن

جڈاں دا ریاض اوندیاں زلفاں نے ڈنگے  
مسکوں نانگاں دے پنج مسم چنگے لگدن



ستم کرجے تیوں ستم چنگے لگدن  
مسکوں دی تہڈے بکتے کم چنگے لگدن

جنھاں دے لکھے لفظ بڈن ستارے  
او ہتھ سوہنے لگدن قلم چنگے لگدن

میں آپے حسیناں کوں کاوڑ لوینداں  
مسکوں لال پیلے مسم چنگے لگدن

میکوں تخت دی پوڑی چڑھیاں توں  
جو مقتل ڈو ویندن قدم چنگے لگدن

خوشی داتاں بھل تے دی چیتا نہیں آیا  
تساں جیڑھے ڈے گئے ہومسم چنگے لگدن

جڈاں دا ریاض اوندیاں زلفاں نے ڈنگے  
مسکوں نانگاں دے پنج مسم چنگے لگدن



لب تے حقیقتاں دا جے اظہار آ وڃے،  
روکیں نہ بھانویں حلق تے تلوار آ وڃے

هٺ ٿر پیاں تاں اُڍ توڙی پجساں ضرور یس  
بھانویں او بڻ تے رستے دی دیوار آ وڃے

جذبہ جے سڻا ہووے تاں منزل نہیں اصلوں دُور  
اُجھکے نہ پیر بھانویں اڱوں دار آ وڃے،

ظالم دا ظلم ڏیکھ تے گردن نوا نہ توں  
ڏیکھیں مٿاں نمیسر تے کوئی بار آ وڃے

تھڙ کن نہ ڏیواں اکھیں کنوں اُڍندا ہک قدم  
لکھ دار جنڈری گھولاں جے ہک پار آ وڃے

آنی کشش نہیں عالی میڈے پیار وچ ریاض  
جو جیڑے ویلے یاد کراں یار آ وڃے،





کھنڈویں بدل ہن اُجاں کالی گھٹا چھائی نہ ہئی  
جتنے توڑی دلبر باتیں زلف لہرائی نہ ہئی

جج تڈیاں یاواں دی نرگئی ذہن دیکھ پھوکھوں  
رہ گیم میں بے خبر جینویں اُجاں آئی نہ ہئی

اُس دا ڈیوا دی کوڑی دھیر ڈیندا رہ گیا  
رات ساری بالیم پر اصلوں روشنائی نہ ہئی

دل دا افسانہ تھکوں سنو اتے لینویں جا پندے  
جیر دھئی اصلی گالہ سہی او شیت سنو اتی نہ ہئی

تینڈے تیس تیس کینویں پجدا کینویں لڑ دا مشال  
شہر دی کیڑھی گلی ہئی جیندے دچ پچا ہی نہ ہئی

میں جو ہک اکھاں تاں ولدیاں ڈھ چاٹویندے ریاض  
اگے دی بلیار ما پر ایڈی چترائی نہ ہئی



گھلیاں تال جو میڈیاں تلیاں زلیاں تیدے شہر دیوچ  
کھڑاں فجر دا اتوں نماشاں تلیاں تیدے شہر دیوچ

گھلی باد خزاں کوئی ابھی گلشن پیار دا اُجڑ گیا  
پتر پھلاندے کر گئے سسٹریاں گھلیاں تیدے شہر دیوچ

جیس ڈیہنہ دا میں آیا ٹھڈھڑی مہل دے کیتے سبک مویاں  
جپے جینویں حشر دیاں بھاپیں بلیاں تیدے شہر دیوچ

چانن تھندے جیکر رخ توں پردہ چاتے ڈیکھیں توں  
جے تیں زلفاں کھولیاں شاماں ڈھلیاں تیدے شہر دیوچ

رتیاں لال اندھاریاں گھلیاں مطلع مٹی دھوڑ تھیا  
شاید کہیں طوفان سغا تاں گھلیاں تیدے شہر دیوچ

مٹھڑے شعر سرائیکی دے وچ لکھے ریاض تہذیب کیتے  
آن ونڈیندے نت نبری دیاں ڈلیاں تیدے شہر دیوچ



تیرڈے غم پچ ذرا کمی کائنی  
تیرڈے آنوٹ دی دی خوشی کائنی

شہر دے سبھ چراغ پئے بلدن  
کہیں مٹی وچ دی روشنی کائنی

لوک آدھن بہار ہے - کہتہ ۶۶  
وٹ دی کئی ٹینگلی ہری کائنی

کینویں مٹاں جو جاگ پئے ہن لوک  
شہر دی کئی درمی کھلی کائنی

سُڈے رہے ہیں خوشی داناں اکثر  
ہوندی ہو سی اسان ڈمھی کائنی

شہر وچ کٹھا تھی گیا ہے ریاض  
دوست ہن ڈھیر دوستی کائنی





نازک جسم ملوک جنھاں دے بولن بول گمراہے  
اکھتس دی ٹھاڈھل بن جیڑھے نکلے ماں دے ساڑھے

ککھتاں دی تھگی کول کھڑا بجیداں چاڑھے پاسوں  
بھاہ دے بھانجھڑ بھڑکن لپ گئیڈے آڑھے پاڑھے

شاعر تے دیوانے دے کہیں اُج تیں ہو ٹھہرے  
کوئی بھانویں کن مُول نہ ڈیوے بولن آپ تہاڑے

باد بہار وادیس وٹانے لورمی ظلم دی گھلی،  
کئی ویہڑھیاں دے لہکدے گلشن این منخوس آجاڑے

بئے دے دامن تیں جو دیوانے دا ہتھ نہیں پچدا  
اخٹا تھیوے سہرمنہ بھٹے گروان اپناں پھاڑے

دل دی اچوٹ سوچ دی اچوں بھڑیا منہ جگر دی  
شاعر بٹتے میں احساس کول کتنے روگ چھاڑے



ہاز کن جسم ملوک جنہاں دے بولن بول گھراڑے  
اکھتس دی ٹھاڈو حل ہن جیڑے نکلے ماں دے ساڑے

لکھتاں دی جھگی کول کھڑا بجیداں چارے پاسوں  
بجاء دے بجھن بھڑکن لگے میڈے آڑے پاڑے

شاعر تے دیوانے دے کہیں آج تیں ہو ٹھہرے  
کوئی بھانویں کن مول نہ دیوے بولن آپ تہاڑے

باد بہار دا ویس وٹانے لوری ظلم دی گھلی،  
کئی دیہڑھیاں دے لہکدے گلشن اس منھوس اجاڑے

بئے دے دامن میں جو دیوانے دا ہتھ نہیں پچدا  
اختا تھیوے سہر قہنہ بھنے گرواں اپناں پھاڑے

دل دی اچوٹ سوچ دی اچوٹ بھڑیا منہ جگر دی  
شاعر بن تے میں احساس کول کتنے روگ چھاڑے





دلِ دِچ جو کچھ ہووس ڈس بہندے اپنیگانے کوں  
نفرت نال سیانے ڈیدھن ہیں پاروں دیوانے کوں

یار کنوں دشمن ہے چنگا یاد رکھیندے عُمرائیں  
یار کوں لیہہ دیندا چیتا بھل دیندے یارانے کوں

شعراں دے موتی پورے ہم بے قدری دکھنڈراں دِچ  
وقت آیا تاں لوک کڈھیں ایں مدفون خزانے کوں

توں دی سچا ہیں پروا غلط گالھ مہڈی وی گودھی نہیں  
کیسویں رب دے گھر گھن و بنجاں دل دے ایں تیجانے کوں

ناحق خون دی گرمی دل پنگھرا ڈیندی عاقبت دا  
مُحفل دے دِچ شمع فخر میں روندی رہی پروا کوں

جیندا دے ریاض تاں ایں وستی دِچ عشق دِچ چرچے ہن  
مویا تاں وت کوں آباد کر لسی ایں دیرانے کوں





عاداتاں کوڑ دیاں ایں طرحاں جگ پُچ چیاں  
کہیں کوں نہیں بھاندیاں شاعر دیاں گالھیں سچیاں

عقلاں والے وی کھڑن انگلیاں مُنہ پُچ پاتی،  
دشت وچ مجنوں دے موتیں کیدیاں دھماں مچیاں

تیڈے آئیں ماریاں خوش تھی تے خیالاں جھمریں  
تیڈی محبوب دے چھٹکار تے سوچاں نچیاں

ہیٹا ہاں تہوں تاں ہاں ان کیتی خطا دا مجرم  
توں جو ڈاڈھا ہیں تنکوں ساریاں کیتیاں کچیاں

ڈنیہہ کوں ہے دیر تڈا ہوں رات ہے مستی دیوچ  
اُبھریا سمجھ تاں اُگھڑسن ایندیاں بندراں کچیاں

میں جو مالھی ہاں سخن دا وڈا خوش تھینداں ریاض  
جڈاں ترڈ دین مسڈیاں لائیاں ہویاں بوٹیاں کچیاں

○  
اوچپ ریہا مگر اکھیں دے نال الیندا ریہا  
مڈیاں وی سٹندا ریہا اپشیاں وی سٹندا ریہا

میں اپنے چہرے تے رسوائیاں سجاگدیاں  
مڈا جیب تال دامن کول دی پھیندا ریہا

نہ آنوٹاں ہا نہ کیوں مگر مڈا جذبہ  
وفا دے پھل تڈے رستے تے نت وچھیندا ریہا

میں رُنا رونو نے قسمت دیاں چٹریاں گڈھیں دے  
افوچکدا ریہا زلفاں دے ول کھلیندا ریہا

میں ایس طرحاں آوندیاں بیداں دے وٹ دی چھاپ مانی  
جو ہر کٹانواں مکے ڈجسم کول سٹیندا ریہا

ریاض وقت دے شاطر دی چال سمجھی نہ میں  
سمجھ تے کامٹھ دی پتلی مکوں نچیندا ریہا



کم مڈے گالتے کاچ اپنے سنوارن لوکاں  
سیک لاتے مسکوں ہاں آپدے ٹھارن لوکاں

دشمنناں دا کوئی ہک اہر پکانواں کینویں  
نِت نویں دوستی دے روپ جو دھارن لوکاں

ڈٹھرا کہیں وی نہ مڈے گچھڑے ہنر کن بھولے  
بچھج دے دیر پاتے مڈے غیب ہنوارن لوکاں

ہک ڈول بنے دھکے جے لگ پوندے ماں ایہہ ڈھیر لونڈی  
کندھ ہی ڈھہٹے پر حوصلے ہارن لوکاں،

کیوں اکھیندن جو اندھا لے ہتھوں گورھے تھی گن،  
نویں تارے نویں سمجھ چنڈرا بھارن لوکاں

ڈینہہ تال تھیوٹ ڈیو میں دستی کنوں پچھساں ڈیاض  
کینویں پل رات دے گن گن تے گذارِ راض لوکاں





رہائی تا سے کٹک جو چاگدے ہن  
اساں اپنے نصیب ازماگدے ہن

نہ پاسا پر تیا وستی دے لوکاں  
دُفاناں جیڈے درکھڑکاگدے ہن

او ایس کن سٹ تے اوں کن چا اڈیندے  
اساں خوش ہیں جو ڈکھ سٹواگدے ہن

مڈے دل کوں ذرا سا ہی وی ڈیو  
تساں سٹیں بہوں کرم فرماگدے ہن

مکوں واعظ سڈے دوزخ دا بل کیوں  
اوں کوئی جنت دے ٹھکے چاگدے ہن

ریاض اوں کرتے فرماش غول دی  
خداووں ڈکھڑے مڈے پھلواگدے ہن



ایہہ وی نہیں تھیندا جو کلمہ دی ہک ہک یاد بھلا ڈیواں  
وقت وہاٹاں ولدا نہیں بھانویں جو روز صدا ڈیواں

کھیسہ لیسر کتیراں میڈا جھولی تندن ٹانگے ہے  
ایں حالت پچ ڈسو لو کو کیا گھٹاں میں کیا ڈیواں

جھنڈ گئے پتر تے وٹ پتھے ننگے کھنبھ کھتھا ہر بوٹا ہے  
جے ہنڈ اپٹاں باغ پچاںواں نال خزاں متھٹا ڈیواں

کوڑ مدے تھنہ تے نیں سجدا سچ تساں سن سنگدے نہیں  
سوچم اپنے ہوٹھاں تے ہنڈ پچ ڈے جند رے لاڈیواں

لکھ شودے کیا مان کرن آج پھل ہن ہولے لکھاں تول  
طور بدل گئے تیکوں کیا شکوے اے باوصیا ڈیواں

بنے سمھو دے پورے کیتم باقی ہے ہک جان لیاض  
دار سجے تاں میں چھیکر دا ایہہ وی قول نبھا ڈیواں



سوچیں نہ پوٹلکھا نہ توں من رت دا نام ڈے  
ساقی ازل دے تسے کوں بھر بھرتے جام ڈے

واعظ کنوں تاں پچھدی ۛ مسہ مسڈی بلا  
ساقیا! مئے حلال ہے بھانویں حرام ڈے

جے ساری رات رہ نوہیں سنگدا تاں کیا تھیا  
ڈوں چار گالھیں کر گھنوں ہا آج دی شام ڈے

بہوں مد گزر گئی ۛ میڈی سارنس گدی  
دلبر کوں دینخ تے قاصد میڈا سلام ڈے

واعظ دے آکھے لگ تے کر لیاں نہ توبہ وت  
ساقیا! گھن نہ میں کنوں ہن انتقام ڈے

بٹیا نہ کہیں وا اوکڈاں بٹدے تہڈا ریاض  
ایتویں نہ کھا فریب توں کوڑی نہ ہام ڈے





دل دِچ اُٹھدین دُرد تہڈے دیاں لہراں ہوئے ہوئے  
ٹھلہداں گوتے کھانداں بڈواں ترہداں ہوئے ہوئے

دل دا چین چڑاؤن آندین پیرتے پیر رکھیندیاں  
چوراں وانگیں چورسی تیڈیاں یاداں ہوئے ہوئے

قید قفس دِچ رہندیں ہوئیں پرواز دا شوق نہیں مٹیا  
بھانویں پر صبا دے کترن آڈواں ہوئے ہوئے

اکھیتیں اُن سوسیاں کر بہندے ڈیدھے دھیمیاں نظراں  
پلکاں نال مریدے دل تے چھمکاں ہوئے ہوئے

رات وصال دی جلدی گزرے آوے نال نہوراں  
تا نگھ دا ڈینہہ نہیں مکدا ڈھلایاں شاماں ہوئے ہوئے

حالی کیا ہے دل دا روگ اکوں تے ددھسی بھلسی  
عشق دا بیج کڈھیندے کئی کئی پنجاں ہوئے ہوئے



توں نو عیسیٰ آندا تاں گھر دا شیشہ میں کن بھیج دے  
جیندے وچ نت ڈیدھیں اپنا چہرہ میں کن بھیج دے

تیدے ڈرے زخماں دے پھل میں کھا گئے ہن سجن  
تازے زخماں دا کوئی گلدستہ میں کن بھیج دے

یے وفائی دی نیکتا می اپنے کیتے سانہ رکھ  
عشق دیاں بدنامیاں دا چرچا میں کن بھیج دے

لوک پچھدن کسی نشانی یا ردی ساکوں دکھا  
میکوں بولن جو گا کر کوئی چھلا میں کن بھیج دے

میدے خط دے پرزے کتن اپنے ہتھال نال تیں،  
میدے چمن کیتے چن کوئی پرزہ میں کن بھیج دے

تیدے سمجھ چیتے بھلاتے جا پے کلہا تھی گیاں  
اپنیاں یاداں دا کوئی میلہ میں کن بھیج دے

سڈ سلو کیتی کھڑاں خلقت کوں کیا ڈکھلیساں مہنہ  
آ نوہیں سنگدا تاں لکھ تے پرچہ میں کن بھیجڈے

نقش بٹولیاں ہیراٹے تے جو سمسماں رکھ تے ہر  
لیک تے کاغذ تے اپٹاں پیرا میں کن بھیج ڈے

تیڈے ورتارے سمجھاں تیڈی عادت جاٹداں  
خوشیاں غیراں پرچہ وٹدا غم نولا میں کن بھیجڈے





رہندے بارے دے ہن مسئلہ کہیں ہک دانہ ہا  
پر شودے ساقی دے ہتھ چچ جام ہا دریا نہ ہا

اکھ مڈی نم ڈیکھتے متھاتھا ڈا تر ہا کیوں،  
ایہہ تاں ہنچ دا قطرہ ہا سانول کوئی شیشہ نہ ہا

ہر گلی چچ سولی اڈمی وستی دے سردار نے  
بیج الاتے کوٹ پھسدا ایڈا کوئی کھلا نہ ہا

اپنی شیریں کیتے میں وی ڈال سنگدا ہم پہاڑ  
دل تاں ہا فرما دوانگیں متھتیں وچ تیشہ نہ ہا

اوندیاں میڈیاں ایس طرحاں اکثر ملاقاتاں تھیاں  
میں وی آتھ ویندا نہ ہا نمی ادوی اتھ آندا نہ ہا

دل وچوں کڈھتے تیکوں سمجھیم جو ٹلیا سرتوں بار  
دل مڈا بن ویسی بھک ایہہ میکوں اندازہ نہ ہا

بیڑھا ہک لحظہ رہم غافل تئیاں یا دیں کنوے  
اپنی عمریں وچ میں او لحظہ کڈا میں گلتیا نہ ہا

ہک دی چھک ہئی چیز سی بوس کرتے گھن آئی ہئی تکیوں  
او مڈے دل دا کرشمہ ہا تبڑا تھورا نہ ہا

ہک وفا دی خنیس سہندا ڈیندا اکا گھاٹے مسکوں  
میں نہ وکدا پر مسکوں اوں شخص تے عجیبہ نہ ہا

پیندیں پیندیں ویٹی میں ساقی دے دامن شراب  
پر ایہہ ساقی تال میڈا لاڈا ہا تشہ نہ ہا

زندگی بھانویں ڈرا کل خواب دا نگیں ہئی ریاض  
پر مڈے دل دی کتاب پڑج خوف دا ورقہ نہ ہا



کوڑا مکوں کو ڈیندے او بلیار ہمیشاں  
چوں چوڑیں دے وچ بٹا ہے سچیار ہمیشاں

منزل دا بہوں شوق ہے پر سفر دا انخام  
بن دیندے مڈے رستے دی دیوار ہمیشاں

دشمن تاں کلا ریں بناں نہیں وار کریندا  
گل لاتے مریندا ہے چھری یار ہمیشاں

وگاں تاں کوئی بھر نہیں سنگدا مڈی قیمت  
بن ویندا مال آپ اپناں خسریدار ہمیشاں

دستی دے سمجھے لوک تاں نہیں پیار دے دشمن  
کید و سنوویں ہوندن ایہے ڈوں چار ہمیشاں

نت مست رکھیندی تہ تیڈیاں زلفاں دی خشتو،  
ترڑن تیڈیاں یادیں دے چمن زار ہمیشاں





یار دے دل وچ میڈی اُٹھ دا اثر تھیوٹاں تاں ڈے  
 بے خبر کوں میڈے ڈکھریں دی خبر تھیوٹاں تاں ڈے

کھس نہ میڈیاں جاگدیاں اکھتیں کنوں اباں دے رنگ  
 کوڑا وعدہ ڈے تے میڈی شیب بسر تھیوٹاں تاں ڈے

آج گئیں سائول تاں مہنہ کج تے نہ بہہ جلوے ڈکھیا  
 توڑے جھٹ دا جھٹ منور میڈا گھر تھیوٹاں تاں ڈے

دستی وچ ہر پاسے ترڑ بسن دل شگوفے پیارے  
 موسماں تے میڈے لعلیاں دا اثر تھیوٹاں تاں ڈے

نویں نقشے لیک تے اُسر لسیوں اُمیداں دے ماڈ  
 اگلے کھنڈراں کوں ڈھانوٹاں ڈے پدھر تھیوٹاں تاں ڈے

ہر قدم تے باغ ترڑ بسن مہکسن رہ وچ غلاب  
 گلبدن سانول کوں میڈا ہسرتھیوٹاں تاں ڈے



کچھ درد کنوں لاچار وی ہے کچھ پیار کنوں مخمور وی ہے  
 اچ دل ہے ڈکیٹ ڈولیں وچ بیزار وی ہے مجبور وی ہے

ہر پاسے حسن دے جلوے ہن اکھ تھکدی پر زبیدی نہیں  
 آہن جو یار دے گوچے وچ ہک موڑ داناں گھٹوڑ وی ہے

مڈے قتل دا چرچا آپنے کردا من دیاں چھنڈکاں دھوتی دین  
 کچھ لہو دا رنگ سنبھالو ہے کچھ ظلم ترسدا مشہور وی ہے

کیا ملماں پٹیاں کم آنون ہے گچھڑا زخمِ محبت دا  
 جے ظلم دی فطرت نہیں بدلی تاں پس دی دھن دا پلکا ہے



ہک شخص بہوں دُور توں آندا نظر آیا  
پہنچا جڈاں نزدیکیں تاں سایہ نظر آیا

ہا معجزہ لفظیں داکہ اکھریں دی کرامت  
تیں جیڑھا دی خط لکھیا صحیفہ نظر آیا

صدے مسکوں جھٹویندے رہے سکھ دیاں پٹنگھاں  
ہر غم مسکوں خوشیاں توں سولا نظر آیا ،

ہکو نہی کلمہ ایں بھری دُسیا دیوچ میں  
جو شخص دی ملیا مسکوں تنہا نظر آیا

نہیں ہا جڈاں غم تیڈا تاں ہن دل کوں سیل غم  
ایہہ غم ہے تاں ہر درد پسلا نظر آیا

بسگر بندے ششپ نال ریاض اپنی غول کوں  
واہ واہ کیتی دل جتھہ اوندامصرہ نظر آیا



سہیں ریاضِ رحمانی سرائیکی  
وسیب دے مہاندے شاعر  
ہن انہاں غزل کوں ہک  
نواں آہنگ ڈتے، لفظیں دا  
جتنا خوبصورت استعمال تے  
لجے دی مٹھاس انہاں کول  
موجود ہے کہیں بے شاعر  
کول گھٹ نظر آندی ہے  
انہاں فکر، تخیل تے اظہار  
دے نویں در کھولن تے  
ایہو اسلوب انہاں کوں  
ممتاز کریندے

ڈاکٹر نصر اللہ خان ناصر  
ریڈیو پاکستان بہاول پور



ہر قدم تے میں بلینداں گئیاں فن دے ڈیوے  
سوچلے دیا لکے آئون ہا پھوٹا آئون والے  
ریاض رحمانی